

澗山志縣志卷二十七

藝文志

自方策易爲鑿版書籍日繁至近日印刷新法盛行而著作家益衆然欲其書之必傳傳之可久則必其有得於古有益於時而又竭畢生之精力以赴之者也吾澗開化最古自漢魏以迄前清學士大夫代有傳人人有傳書其大者足以羽翼經傳即詞章之學亦能自成一家所謂竭畢生之精力以赴之者無如世代云遙或散於播遷或燬於兵燹前志之修於諸家纂述已多漏略茲又閱百數十年若任其散佚則劬學之士窮年累月留此區區著作冀以傳不朽之名者將何所恃哉茲倣史例採

錄書目以四部分類前志之漏列者補之其無可考者惟有付  
之蓋闕之例不敢妄爲附會也至金石足資考證縣境向多石  
刻而風霜剝蝕銷沉者已衆姑取其可辨識者附著於篇述藝  
文志

書目

經部

毛詩釋一卷 宋何偃著

周易注十卷 梁何允著

毛詩總集六卷 梁何允著

毛詩隱義十卷 梁何允著

禮記隱義二十卷 梁何允著

禮答問五十卷 梁何允著

政禮十卷 梁何允著

士喪儀注九卷 梁何允著

喪服經卷義疏一卷 梁何允著

禮答問十卷 梁何允著

禮雜問答禮一卷 梁何允著

禮記義十卷 梁何允著

書禘傳十三卷 宋吳棫著

毛詩叶韻補音十卷 宋吳棫著

論語續解十卷 宋吳棫著

考異一卷 宋吳棫著

韻譜五卷 宋吳棫著

說例一卷 宋吳棫著

易解 宋王日休著

春秋解辨失一卷 宋王日休著

春秋名義 宋王日休著

大易粹言十卷 宋方闓一著

麟經指掌 明王振基著

四書辨疑 明涂榮臺著

四書大全纂 明劉餘芳著

周易圖說 清汪延造著

周易解義 清汪延造著

三經聖編一百八十卷 清汪延造同嘉興譚貞默著

春秋經世 清王心翼著

四子輯要 清王心翼著

三禮會通二卷 清張必剛著

古學偶編一卷 清張綱著

儀禮章句 清儲光禔著

經典考正 清儲光禔著

易學新說

清張璠著

周易卦畫解

清徐家憲著

中庸說統

清金先知金夢先著

辨字韻譜

清儲達簡著

學庸雜解

清王曰培著

五經集解八卷

清林遠紀著

經解五卷

清黃喬年著

易經源流二卷

清儲儀封著

增訂發蒙三字經五卷

清儲儀封著

五經總義

清儲儀封著

字韻五卷

清王暢儒著

史部

理禮儀注九卷

宋何點著

政理十卷

梁何允著

梁典三十卷

陳何之元著

諫垣遺稿

明金燕著

鄖臺志略九卷

明徐桂著

三江水學

明金藻著

史評

明金道合著

古史提要

清盧宗器著

文昌謄史錄六卷

清熊文春著

廿二史鑑要

清葛起涵著

禮典揭要

清儲光祜著

兩河紀略

清孫文陽著

史學三筆

清汪延造著

二十一史說

清汪延造同嘉興譚貞默著

增補孔子年譜二卷

清儲儀封著

歷代世統蒙求四卷

清儲儀封著

四言史略

清林揚清著

皖樵紀實一卷

清儲枝芙著

現行刑律簡明圖

清程繼元著

子部

幽求子二十卷

晉杜彝著

任子春秋

晉杜秘著

逍遙注一卷

宋何偃著

法論

梁何允著

百法論一卷

梁何允著

十二門論一卷

梁何允著

鄆州志五卷

宋朱翌著

歸田後錄十卷

宋朱定國著

古器圖一卷 宋李公麟著

金剛經解四十二卷 宋王日休著

淨土文十一卷 宋王日休著

性理集成 明涂榮臺著

日省錄 明丁一陽著

敬思錄 明丁一陽著

我師篇 明丁一陽著

省克錄 明金藻著

伊洛薪傳 明王振基著

不寐錄 明丁言著

性理大全纂 明劉餘芳著

率真篇 明袁一陟著

新知錄 明劉仁義著

弋談 明金道合著

歸田漫錄 明袁一陟著

古學發微偶編 清張綱著

作聖階梯 清汪昌縈著

窮源秘錄 清汪昌縈著

聖門辨誣論 清徐槐卿著

醫家圖說 清汪延造著

星卜要訣

清汪延造著

貞勝編

清陳衷赤著

四友堂雜記六卷

清熊象援著

崇正類編四十卷

清張錦輯

節候本原蒙求三卷

清儲儀封著

集部

刪王逸楚辭注十一卷

宋何偃著

何偃集十九卷

宋

何瑾之集十卷

宋

何尙之集十卷

宋

何充集五卷

宋

楚辭釋音

宋吳械著

華陽集六十卷附錄十卷

宋王珪著

瀾川文集四十五卷

宋朱翌著

瀾山集三卷

宋朱翌著

五制集一卷

宋朱翌編

澹巖集四十卷

宋張澂著

慎菴文集二卷

明丁言著

竹浪館文集

明金道寓著

思補亭集

明金夔著



天香館集 明金憲著

天香館詩集 明金一梅著

斗陽集 明金瑀著

瑤草山房全集 明金道合著

丹臺集 明徐桂著

華鬢集 明王世薦著

黃山合集 明金憲表編

一映集 明王立吾著

柱雪山房文集 清盧璣著

西園遺稿一卷 清熊良鞏著

武陵遊草一卷 清熊良鞏著

四十賢人集一卷 清熊文泰著

春草間房詩賦三卷 清熊文泰著

蕩頤類稿二十卷外集四卷 清熊寶泰著

兼山堂集 清汪延造著

忝生草四卷 清熊象援著

補齋遺詩一卷 清熊象輔著

補亭詩一卷 清熊象輔著

天柱山房不焚草 清金承閻著

西溪詩草 清丁珠著

何迪詩古文詞集

儲光禩文集

靜遠堂集

清徐千之著

雪鴻詩集

清金先知金夢先著

貽穀堂文集

清葛高道著

竹西詩草

清徐道知著

世德堂文集八卷

清徐大理著

月湖文稿

清汪之鯉著

新園文集

清柳大勳著

一家箴詩稿

清汪元音著

補青集

清葛一夔著

水中雁字詩三十首

清金絲先著

儲南岡詩文集

清儲宜雅著

晴川彙稿

清葛宗舊著

繡谷詩鈔

清盧宗祿著

孤竹詩集

清陳延著

畹蘭詩鈔一卷

清熊寶秦妻張淑著

桐陰館詩賦二卷

清陳善著

澹園詩草

清王曰修著

醉吟軒詩草

清劉蓉切著

聽竹齋古近體詩草二卷 清余容賢著

蘆溪詩草 清朱彬著

芸軒詩草 清林遠培著

稼軒別集 清王鼎勳著

東村詩鈔詞鈔二卷 清余誼聯著

理學濬源論 清儲書臺著

查舊志載明丁言清王振基等三十一人皆殫心經史著作盈編自世代云遙而奚囊錦帙或燬於兵火或散於播遷雖遍加搜羅迄無傳本惟卽舊志所載標厥姓氏以無沒其嘔心反胃之辛勤云云今按通志所載查出二十家書目分類

備載惟明陳邦符涂華素王九鼎王九賓徐顯建葛遠狝黃廷煥張清憲八人清朱芾周維中周大奎三人舊志以爲著作專家其傳本無存實屬無從搜輯茲附錄其姓氏以俟後之留心查考者



州人唐憲宗時官史館修撰嘗面斥宰相李逢吉之過出爲廬州守舊志載翽長慶元年任舒州守見名宦傳相傳翽有篆書亦在石壁距題名處不遠不知何人將石取去其跡猶存撫摩久之爲之不憚者屢日

李德修崔確裴案等題名 文曰趙郡李德脩博陵崔確河東裴案隴西李夷中魯郡祝元膺吳興丘上卿太原王璠彭城劉洪高陽齊餘汝南周遜范陽盧尋高陽齊之退魯郡祝元慶寶歷二年二月二十七日題

右刻勒石牛洞石壁寶歷唐敬宗年號按唐書二李列傳德脩寶歷中爲膳部員外郎張仲方入爲諫議大夫德脩不欲

同朝出爲舒湖楚三州刺史此蓋其治舒時所刻石也唐書王璠傳璠字魯玉元和初舉進士長慶末擢職方郎中知制誥歷官左丞拜戶部尙書

趙孚舒雅黃夢錫題名 文曰殿中侍御史知軍州事趙孚贊善大夫舒雅團練推官黃夢錫大宋端拱二年四月二十一日題

右刻石牛洞石壁上考宋史舒雅字子正累遷職方員外郎求出得知舒州仍賜金紫恬於築官州之潯山靈仙觀有神仙勝跡郡秩滿卽請掌觀事東封後加主客郎中改值昭文館轉刑部在觀趙孚洛陽人知舒州黃夢錫俱見秩官文職

表

李東之題名 文曰李東之公明

右刻真書五字勒石牛洞石壁舊志漏探考宋史李東之字公明宋仁宗時人宰相李迪子迪字復古爲天聖名相既謝政于東之拜侍御史以太保致仕再遷少師熙寧五年卒

劉沆岑碩題名 文曰劉沆岑碩遊此

右刻勒石牛洞石壁舊志漏探考沆字沖之宋天聖八年擢進士第以大理評事通判舒州見名宦傳按天聖爲宋仁宗年號此刻當是判舒時題名也

陳奉古石用休蔡伯偉題名 文曰提刑主客外郎陳奉古同

提刑供備庫副使石用休按部至偕虞曹外郎蔡伯偉遊此賞愛泉石移晷忘倦時甲午季春月十二日

陳奉古蔡伯偉石用休題名 文曰陳奉古蔡伯偉石用休同

遊皇祐甲午歲三月二日

以上二刻俱勒石牛洞石壁按二刻一書年號一書官爵一石先蔡後一蔡先石後相隔僅十日又未載重遊同勒石壁上下舊志諸未採入殊可怪也

王安石題名 文曰皇祐三年九月十六日自州之太湖過寺宿與道人文銑弟安國擁火遊見李翺習之書坐聽泉久之明日復遊刻習之後臨川王安石

右刻勒石牛洞石壁原文明曰以下十一字今已剝蝕模糊  
茲據舊志全文備載之按皇祐宋仁宗年號宋史王安石本  
傳安石字介甫臨川人登進士皇祐中通判舒州有傳見名  
宦此正判舒時石刻也弟安國字平甫數舉進士茂才任西  
京國子教授秩滿至京師神宗以安石之弟特召對安國則  
稱漢文抑王猛願帝以堯舜三代爲法帝問卿兄秉政外論  
如何對曰恨知人不明聚斂太急耳由是止授崇文殿校書  
時惠卿諂事安石嘗以佞人目之後因鄭俠獄爲惠卿所陷  
放歸田里爲熙寧八年事也距仁宗皇祐相去二十五年丁  
南湖謂安國年過四十始應薦書任教授據此則刻石時尚

在未任教授以前也

王安石六言詩刻 文曰水無心而宛轉山有色而環圍窮幽  
深而不盡坐石上以忘歸荆公題

右文真書大字刻石牛蹄大石上按黃山谷次荆公韻詩云  
水泠泠而北去山靡靡以傍圍欲窮源而不得竟悵望以空  
歸舊志誤爲荆公原韻以荆公所題爲山谷次韻反賓爲主  
殊不可解又舊志載黃山谷書石牛溪旁大石上詩云鬱鬱  
窈窈天宮宅諸峯排霄帝不隔六時謁天開關鑰我身金華  
牧羊客羊眠野草我世間高真衆靈思我還石盆之中有甘  
露青牛駕我山谷路此詩亦剝蝕不可考矣

李純中王真臣張師正賈昌衡韓鐸題名 文曰李純中存之  
王真臣道素張師正不疑賈昌衡平甫韓鐸子文甲辰正月念  
三日同到

右刻真書勒石牛洞石壁舊志漏採按純中李師中弟韓鐸  
監靈仙觀見秩官文職表按甲辰爲宋英宗治平元年師中  
守舒州在熙寧三年此則純中前七年之石刻也

李師中李純中題名 文曰師中十一世祖唐御史大夫諱栖  
筠生丞相諱吉甫相生尙書諱德脩丞相諱德裕尙書實師  
中八世祖也歷舒湖楚三州刺史題名在此巖谷師中不肖忝  
備侍從坐沮邊議左遷來守茲土永惟世業未墜於地後世子

孫尙有來者敢廢篆刻式昭前人熙寧四年十二月二十四日  
孫尙書右司郎中師中記純中從

右刻真書大字勒石牛洞石壁書法剛勁篆刻精深迥非時  
手所能爲舊志敢廢篆以下等句諸脫簡誤以張紘張家接  
書則錯誤甚矣按師中字誠之楚邱人坐力言王詔開邊不  
便貶知舒州在熙寧三年此則知舒州第二年之石刻也有  
傳見名宦考栖筠字貞一登進士唐大歷六年代宗以爲御  
史大夫卒謚文獻吉甫唐憲宗元和二年同平章事德裕字  
文饒唐文宗開成五年同平章事武宗賜爵衛國公嘗著前  
後漢書行世



張坦之李子永劉道凱孫叔康題名 文曰張坦之李子永劉道凱孫叔康熙寧辛亥二月四日同伊仲晦同遊

右刻在石牛洞石壁

張紘張家賀瑄李志題名 文曰張紘元禮張家公素賀瑄文叔李志肆翁同到元豐壬戌中秋

右刻在石牛洞石壁元豐爲宋神宗年號

徐全沈街題名 文曰徐全樂道沈街垣之熙寧癸丑二月同遊

右刻在石牛洞石壁

楊冲楊煒道題名 文曰西河楊冲弟煒道熙寧七年正月八

日遊

右刻勒石牛洞石壁舊志漏採

蘇子平題名 文曰蘇子平侍親老來遊元豐庚申清明

右刻勒石牛洞石壁案蘇子瞻有遊瀟山敘寄蘇子平詩其序云商英與子平別於廣漢二十八年元祐癸酉會舒州遂相與遊瀟山其詩云少年相別老相逢月滿瀟山照肺腑又黃庭堅有同蘇子平李德叟登擢秀閣詩結句云蘇李三五字屬聯不當慳觀此則子平之品學知可知矣

楊希元題名 文曰朝議大夫知軍州事楊希元舜俞元豐四年二月清明日挈家來遊男彥眞彥齡彥臣彥章孫達邁通適

侍行

右刻在石牛洞石壁舊志漏採按希元爲舒州知州見秩官

志文職表

李君擇吳子勉王通之吳子初題名 文曰李君擇吳子勉王

通之吳子初元豐九年七月二十日

右刻勒石牛洞石壁

葉祖洽唐垌蘇白文宋用臣方會劉鑄劉誼題名 文曰葉祖

洽唐垌蘇白文宋用臣方會劉鑄劉誼元祐五年四月初十日

同遊

右刻勒石牛洞石壁舊志漏載元祐爲宋哲宗年號

曾孝廣楊安道陳邁題名 文曰清源曾孝廣仲錫號略楊安

道迪深穎川陳邁亨伯同遊山谷寺至石牛洞憩賞久之而還

崇寧丙戌四月二十七日題

右刻勒石牛洞石壁舊志漏載崇寧宋徽宗年號考宋史忠

義傳陳邁字亨伯其先自江寧徙永州登進士第歷知中山

眞定河間府欽宗立加資政殿學士積官至光祿大夫金人

再至命邁爲兵馬元帥京都既陷邁盡括城中兵擊賊呼步

將沙振往振怒衷刃入府遂遇害

霍希道王道存曹聖可閻德明題名 文曰大觀丁丑季冬二

十三日同遊者六人霍希道王道存曹聖可閻德明住持輝老

呂子會

右刻石牛洞石壁大觀宋徽宗年號

康澤劉九思李健題名 文曰政和甲午重陽後一日康澤劉

九思李健遊

右刻勒石牛洞石壁舊志漏載政和宋徽宗年號

臧祭之趙丕磷臧相之李叔濟題名 文曰臧祭之伯警趙丕

磷彥聖少卿臧相之少稷李叔濟政和丙申仲春至汲水煎茶

罷遂如天休

右刻勒石牛洞石壁

張邦寧題名 文曰宣和七年八月二十三日江都張邦寧子

同遊

右刻勒石牛洞石壁宣和宋徽宗年號

王相題名 文曰獨來徜徉遊於水石上暮而忘歸淳熙元年

春分日王相題名

右刻勒石牛洞石壁淳熙宋孝宗年號

陸同等題名 文曰郡別駕歷陽陸同彥和邀吳興徐棟隆甫

芮嘉言仲謙錫山王子溥繼祖嚴陵方開口朱俊義得臣淳熙

乙未孟秋十月一日偕來

右刻勒石牛洞石壁案陸同為舒州通判見秩官文職表

方開二字下一字口不辨

吳邦弼等題名 文曰延陵吳國口邦弼歷陽陸口口口口相  
拉挈家自城中口眞源過天祚飯山谷徜徉終日薄暮而歸彦  
和之子世良君進惟良君顯借焉淳熙丁酉寒食日泉南曾種  
獻之識姪常男晏侍行

右刻勒石牛洞石壁原文國字下一字陸字下四字中字下  
一字皆剝蝕莫辨按曾種溫陵人淳熙時知舒州見秩官文  
職表所謂彥和即舒州通判陸同之字

陸世良王道張齊見朱祥題名 文曰陸世良王道張齊見朱  
祥淳熙丁酉三月二十一日遊

右刻勒石牛洞石壁

徐烈呂祖恕題名 文曰口山徐烈茂卿東萊呂祖恕君行以  
紹熙改元中秋十日來遊禧老滄茗

右刻勒石牛洞石壁舊志漏探原文山字上缺一字紹熙爲  
宋光宗年號

張廓胡公敏張植朱萬張宣文題名 文曰戊戌四月十八日  
張廓胡公敏張植朱萬張宣文自天池來

右刻勒石牛洞石壁按天池在縣北三十里皖公山頂詳見  
輿地志山川類

曾宰姚震題名 文曰臨川曾宰子翊丹陽姚震起道癸卯七  
月庚子同

右刻勒石牛洞石壁舊志漏探考曾宰為舒州掾舊志職官漏載案舒州判王安石有和曾子翊授舒掾之作詩云皖城終日靜如山府掾應從到日間一水碧羅裁繚繞萬峯蒼玉刻孱顏舊遊筆墨苔今老浪走塵沙鬢已斑攬轡羨君橋北路春風枝上鳥關關安石判舒州在皇祐中曾宰為其同鄉同寅則刻石亦當在此時矣

國材庶璋思道題名 文曰國材庶璋思道庚子三月十八日遊觀題

右刻勒石牛洞石壁舊志漏載

胡纘宗余珊題名 文曰正德十有六年冬十一月八日郡守

前司封郎中天水胡纘宗郡人江西僉事前侍御史余珊集於山谷期比部蕭賢不至

右刻勒石牛洞石壁正德明武宗年號按纘宗字世甫別號可泉天水人正德己卯任安慶太守嘉靖壬午為澧邑修烏石吳塘二陂利賴後世癸未去任其刻石為守安慶之第三年

李元陽王玉汝題名 文曰大理李元陽東筦王玉汝嘉靖戊戌七月同遊

右刻勒石牛洞石壁舊志漏探嘉靖明世宗年號考王玉汝廣東東筦縣人嘉靖壬辰進士丁酉自江陰調補澧山縣知縣

卒有生祠碑記見秩官文職表

山谷寺前後名人題勒

山谷

胡纘宗題西林橋

望嶽

胡纘宗書寺門

山谷

寺中

灣山洞天

李中谿題

解縛

周柳塘題

天香臺

涪翁山谷

谷邊

潑潑巖

流雲

上流

洗墨

中流

天下奇觀

石牛上

牛蹄

牛蹄旁

靡靡谿

出雲

潺潺谿

中書

水光天色

何天之衢

龍門

源頭活水

坐延七老大書

漢堰明隄

山曲

水曲

篆書谷中

曲水流觴

鳴琴澗

黃山谷書

獨醒處

抑所

止泓

橫空

橋上

香鼎

郡守張楷大書

以上錄舊志

吳塘陂名人題勒

吳塘千頃波

柳葉篆

流雲

小篆

玉渠

粼粼谿

生雲

冷冷溪 中書堰上

以上錄舊志

虎頭巖

在縣北十五里巖下有石室石床石壁石門石白石磴

白雲巖題勒

文曰白雲巖

右刻真書大字橫額勒石舊志漏採其下小字甚多剝蝕莫辨

鐵篋龕題勒

文曰鐵篋龕

右刻真書大字橫額勒石舊志漏採考邑令柯友桂白雲巖鐵篋龕記中有句云忽見巋然片石遠望似小屋形跡之則

困石鑿成外圓內方內似帷幄外皆肖仙家用物上鐫鐵篋

龕遠古魯道人元轡也據此則魯道人年代已無所考矣

劉誼張裁題名

文曰劉誼□□□□張裁仲道紹聖二年

三月十七日同遊

右刻劉誼下缺五字紹聖宋哲宗年號舊志漏採

劉誼左廷直等題名

文曰吳興三教士劉誼廬江左廷直田

為住天柱處凝僧景淳道士胡得寧紹聖三年三月同遊

右刻頗難解

中王國寶題名

文曰洪仲本季□□□□來□中王國寶率

天柱凝師徧遊諸巖元祐元年秋□□□□□□

右刻中王國寶以下十三字皆大字餘諸小字左旁洪仲本季下缺四字來字下缺一字右旁元祐元年秋下缺六字舊志漏載

羅文博題勒 文曰元氣磅礴南昌羅文博刻

右刻勒船石上大字真書舊志誤載朱晦菴書按文博江西南昌舉人嘉靖壬戌年任縣事

張期愈題勒 文曰超然物表乾隆丙寅夏城南張期愈題率男必剛必祿必受住持僧了凡

右刻勒虎頭巖石上案張期愈有題虎頭巖寺六言詩云往古來今遞嬗青山白水重圍望前賢而仰止探勝蹟以忘歸

後寺厄於火題壁之句無存矣

中天峻拔 羅文博題

仙洞重華

來雲 羅汝芳書

以上三刻錄舊志

西關寨

土人劉源字叔清春夏耕耘秋冬入寨北朝兵馬攻打一十八年保守生靈數十萬

右刻錄舊志考宋劉源淮西野人原義兵長也咸淳十年甲戌奉旨聯絡山寨以禦元師源馭衆有方保障生靈勒石山



嶺紀其事詳見人物志忠義本傳按源建寨野人原卽今善  
士坊在縣北十五里原名野人寨

### 仁里石志

楊八郎題墓志 文曰大宋國舒州懷寧縣玉照鄉楊家莊保  
稅戶李氏七娘子元是查衝保李鄉頭女婦事楊鄉頭爲親於  
寶元二年己卯歲七月二十二日身亡於當年閏十二月十五  
日立墓 夫主楊八郎具

右石志民國六年冬東鄉仁里九甲楊莊大塘稍洗蕩露出  
磚槨古墓石志寶元宋仁宗年號

### 又貞里五廟墓道辭

澗山邑中有八十六歲翁號曰可守偕隱淪輩徜徉泉石樂其  
素位也嘗禮士濟貧不虛歲月乃仁德之心歟子二長曰化漸  
次曰化浹父慈子孝天下莫能過焉嗚呼生寄死歸循環无極  
之氣而已哉於是乎書諸碑石嘉靖壬戌冬古蘭亭王維善書

### 卜益泉先生德政碑

賜進士及第翰林院修撰山陰諸大綬謹撰古蘭亭王維善書  
丹篆額辛酉秋仲王子抱元自皖垣過予訛口閣復出袖書乃  
澗山王龍子化漸化浹及諸父老輩長語已知益泉卜先生蒞  
茲邑之德政也旣擢逾年而民思慕之惟碣是徵以持身則廉  
介以存心則剛直寬以御下而衆心得信以接物而民情洽飭

濠州縣志  
學校以敦風化勵名檢以崇節義役均而安刑清而服迨至損益省事因革馴俗識其心之經緯澤之敷宣豈違道口口自慕德而口口故昔民見其業而思其人蓋口口者而實至神之不可計孔子仕魯不能止章甫之頌子產仕鄭不能止輿人之謠古人遠矣先生曰之故曰頌者民之心也心同言斯宣矣凡此以其徵諸一邑者言之爾他日秉國鈞獲可致當復有濡筆螭頭勒其大者奚止今日吾黨之頌而已耶於是爲記嘉靖四十一年歲次壬戌三月既望治下濳山縣門人王化浹立石  
右碑在又貞里五廟篇內殘闕八字考益泉卜先生即卜大有浙江秀水人嘉靖間知濳山縣事升南京工部主事見秩

官志文職表

潯山縣志卷二十九

雜類志

志以雜類名蓋因類無所附而事不可沒故以是類括之分目  
悉依舊志惟方技移人物之末而增入教堂一項軼事則取其  
足資觀感勸戒者而神怪荒誕之說不與焉

祥異

漢武帝元封五年乙亥冬潯霍山四鑊見

帝徙南嶽於潯霍山上無水廟有四鑊可

受四十斛祭時水輒自滿事畢即空積  
數十歲歲四祭後但三祭一鑊自敗

元帝初元五年丁丑夏及秋大水

廬江等  
郡水

安帝永初三年己酉春三月廬江饑

調零陵桂  
陽租來賑

桓帝元嘉元年辛卯夏四月廬江飢疫

蜀漢後主延熙三年庚申冬吳飢廬江尤甚

晉武帝泰始十年甲午吳地三年大疫屬吳

太康四年癸卯冬河南荆武大水潯界河南荆揚

惠帝元康八年戊午九月荆豫徐大水潯處其界

懷帝永嘉三年己巳夏大旱江漢河洛可涉

元帝太興二年己卯江東大飢四月廬江郡旱蝗

已年辛巳廬江潯縣民何旭地中掘得生犬旭家聞地中犬聲掘之得母犬色青

壯羸走草中忽失所在遺二子一雌一雄活善齧野獸後旭里中為蠻賊滅

孝武帝太元六年辛巳冬十月江東大飢廬江郡尤甚

宋文帝元嘉七年庚午廬江霍山有鐘聲十二發地中帝將征關洛山

崩有大鐘自出制合古式聲中律呂上有古文百六十字

梁元帝承聖元年壬申夏四月廬江晉熙等五郡大飢時飢死十八九

以魯悉達為北江州刺史招集之

唐玄宗開元十九年辛未六月舒州白鹿見帝遣使置九天司命祠於潯山有二

白鹿見於高岡祠成像未就忽殿後石壁裂出五色香泥收以成像畢即竭

文宗太和七年癸丑舒州大水害稼

宣宗大中十年丙子三月舒州吳塘堰異鳥見堰上有衆鳥成一

丈百鳥繞之中有大鳥人面綠身紺爪喙聲呼曰甘人謂甘虫

十二年戊寅秋七月舒州大水害稼時河南北淮南皆大水深至五丈沒數萬家

懿宗咸通九年舒州旱蝗

江淮皆旱蝗

後周廣順元年辛亥夏四月南唐舒州大飢

是歲淮南皆飢

宋太祖開寶四年辛未六月舒州大水壞田舍

太宗太平興國二年戊寅五月舒州麥秀兩歧

淳化三年壬辰正月舒州甘露降四月又降

四年癸巳六月舒州甘露降

七年丙申六月舒州木連理

至道元年乙未七月舒州粟畦兩本歧分十穗

眞宗咸平四年辛丑八月舒州嘉禾生

天禧三年己未四月舒州甘露降

元豐元年戊午四月庚申舒州山水暴漲壞官民廬舍

哲宗元祐八年癸酉秋八月舒州大水

高宗紹興二十八年戊寅舒州白龜見

潯山萬壽宮谿洞中產白龜小如錢白如玉太

守曾公貢於朝張昌作白龜賦

孝宗乾道四年戊子春舒州雨黑米

堅如鐵

五年己丑舒州二首龜見

民獻二首龜不能伸縮郡守張棟縱之言龜孽也

淳熙十五年戊申舒州旱

寧宗慶元五年己未安慶大水害稼

嘉泰三年癸亥舒州潯山中產異草

煎之飲人骨肉立化為水釜則通體成金

嘉定三年己巳安慶飢

度宗咸淳七年辛未春二月舒州飢疫

元武宗至大元年戊申八月諸路旱蝗飢疫江淮民採草根木皮為食

仁宗延祐六年己未六月濳山大水害稼

文宗至順元年庚午四月饑七月濳大水

順帝元統元年癸酉三月濳山地震六月旱蝗

至元元年乙亥十二月丙子濳山地震

至正十二年壬辰冬十月濳霍山崩前三日山如雷鳴禽獸驚散隕石數里(通志作二年)

十七年丁酉濳山大旱左丞余闕詣嶽祠禱雨

明代宗景泰二年辛未雪彌月不霽積與屋簷齊

五年甲戌大水害稼

英宗天順六年壬午秋蝻

憲宗成化二年丙戌旱大饑江淮人相食

十年甲午夏六月大水害稼

十二年丙申冬大燠桃李華

十四年戊戌大旱民多流殍

十七年辛丑二月十日地震有聲

孝宗宏治六年癸丑大水民饑

十年丁巳五月天鳴地震

十一年戊午大疫

武宗正德四年己巳大旱

六年辛未水害稼

八年癸酉十月雪

殺竹木  
殆盡

十二年丁丑大水害稼

世宗嘉靖二年癸未大旱疫

十一年壬辰大旱蝻

十八年己亥大水

二十三年甲辰大旱民多殍死

二十四年乙巳民大饑

死者  
枕藉

二十七年戊申春三月雹

穆宗隆慶二年己巳夏大水

神宗萬曆十二年甲申二月初六日地震

十四年丙戌大水害稼

十六年戊子大旱疫民大饑

十七年己丑大饑疫

死者盈野災  
連數十里

十八年庚寅大旱

民多  
饑死

二十年壬辰夏秋不雨旱蝻

二十三年乙巳山水暴漲漂沒廬舍數百家

二十六年戊申霪雨害稼秋大旱

四十四年丙辰冬燠桃李華

熹宗天啟元年辛酉正月大雨雪

積四十  
餘日

四年甲子秋七月瀋山崩

聲鳴數十里

七年丁卯秋八月大風拔木轉石

西塔頂鐵鑊桶木倒入湖中

懷宗崇禎元年戊辰春正月朔大雷雨

五年壬申五月山水暴漲壞田舍無算

七年甲戌正月二十八日地震屋宇動傾

八年乙亥春正月朔地震雨黍如疾藜子

九年丙子冬十月雨穀

紺外黃內味苦著瓦石有聲雨多處寇焚殺獨慘

十年丁丑春三月縣北十里地產白土

民取以和米粉食之後多疫死

十一年冬月雨著樹成冰玲瓏皓白遠近如一

占云木稼達官災亦云木介主

兵

十三年庚辰夏四月有野鳧百萬為羣

飛蔽天日如轟雷烈風聲競集水田禾苗立盡

十四年辛巳大旱蝻疫

人死者枕藉饑者刳人為食無敢獨行道路者

十五年壬午大饑疫

夏五月十二日至十八日大雷雨瀋山起蟄蛟千百漂沒田畝

民舍無數

十六年癸未冬至大雷雨

結冰如錢形有篆文人莫辨見王士禎皇華紀聞

冬十月虎入城

四鄉多虎夜闖入人室擇人而食

十二月有冰數處悉成錢形

上有古篆文四人莫辨之

清順治三年丙戌大旱

四年丁亥夏大荒

米石至五千



八年辛卯夏四月初七日大雷雨瀋山復起蟄蚊千百水暴溢數丈壞田舍數百家

秋七月雹大風拔木時穀已熟電傷墜泥

九年壬辰春二月十四日夜地震自春至夏不雨水道盡涸大旱民饑

十年癸巳旱冬大雪雨木冰

十一年甲午正月朔地震有聲

康熙七年戊申六月地震

十年辛亥五月至九月不雨大旱民饑

十七年戊午大旱自六月不雨至八月

二十一年壬戌夏大水

二十六年丁卯三月十四日大雷電風雨拔木飛瓦

四十一年壬午夏大水河隄多決

四十七年戊子五月大水

四十八年己丑春夏大疫

五十五年丙申夏大水秋大旱米價騰貴

五十七年戊戌冬雷電十二月大雪數尺至五十八年己亥春

連綿四十餘日寒凍異常

五十九年庚子春正月大雪數尺

雍正八年瀋大水潰河隄無數

十二年縣民汪祝三妻孟氏一產三男

乾隆元年儒學前藕湖出並頭蓮花數枝

四年春夏旱至秋始雨

五年縣民馮某妻一產三男

十一年松樹始生毛蟲二寸許食松葉

二十四年夏又六月大水到處潰決河隄水吼嶺下街屋宇人畜俱盡屍流數十里是年秋田中禾生油蟲細如蟻蠓害稼

二十六年春三月大風發屋拔樹

二十九年夏大水湖中鸛鳥飛鳴於南城外喬木上

三十三年大水

三十四年大水潰河堤無數十二月二十日地震有聲

四十二年夏旱至秋始雨

四十四年夏五月至六月不雨天柱山側忽生玉粟與米穀無異里人採以為食

四十五年秋七月諸山飛蟄蛟百數河水暴溢潰堤傷稼

四十六年又五月二十二日大水潰堤傷稼漂沒廬舍數百家

溺死居民無數自五月至七月不雨復告旱

嘉慶十三年又五月十三日大水隄決城潰城內房舍殆盡人畜淹死無算

十七年大旱饑

通志

道光三年癸未夏五月大水皖溝二流失其故道

七年丁亥大有年

十一年辛卯夏大水

十五年乙未夏大旱秋八月蝗蟲至禾稼未甚侵害是年收成僅半八月復大水

十六年丙申大有年

十七年丁酉十二月大雨雷電

二十一年辛丑夏大水城垣幾被冲沒水不浸者三板堤壩多潰

秋桃李華

冬大雪深五尺許塞戶填門壓壞民廬無算樹木多凍死

二十二年壬寅夏大水連年饑荒米價騰貴貧民多取觀音土半年糧食之

二十三年癸卯春三月有青見於西南形如白雲闊如虹長數丈昏見於西南隅凡十

餘日始沒論者謂粵逆之禍兆於此矣

大饑疫米價昂貴去歲死者已衆是年瘟疫流行死者益多哭聲不絕於野交秋始息

秋大有年兩載饑荒是秋五穀大熟升米值錢十一二文

二十四年甲辰秋大有年

冬大雪平地雪深數尺

二十五年乙巳春大疫秋有年

二十七年丁未夏大水堤壩多潰

二十九年己酉夏五月大水凡田舍素爲水所不及者皆被淹沒數百年來無此水也穀價頓昂

三十年庚戌春三月初八日雨黑水晝晦有頃乃霽

咸豐元年辛亥夏雨黑水

冬十月草木榮

三年癸丑冬十二月大雪雷震

四年甲寅十一月初五日水溢未刻無風各處水湧浪數尺見者大駭

五年乙卯秋八月騰

六年丙辰夏大旱秋大疫自六月初十日斷雨至七月二十八日始雨枯苗復甦八月下旬霜下降  
籽粒無收

秋八月汪木生妻陳氏一產三男一赤如硃一白如粉一黑如漆越三日殤

七年丁己春大雨四十日不止五月雨雹

大饑疫斗米千錢自去秋至此樹皮草根食盡加以兵荒人民頗多饑殍

冬十一月竹萌出高丈餘

八年戊午大有年通志八月慧星出長竟天約計五十餘日始息

九年己未春三月十六日大雨雹

十一年辛酉秋八月初一日日月合璧五星聯珠

十一月初十日大雨雹

十二月大雪深五尺許房屋多被壓塌凍死樹木無數

同治元年壬戌夏六月飛蝗過境不為災

三年甲子夏秋間大旱

四年乙丑正月大雪雷電

二月初三日雨雹水墨色

五年丙寅七月初八日天鼓鳴有星墜地各處望見者皆如隕在至近之地

七年戊辰三月十九日大風拔木

八年己巳夏秋大水衝沒田廬無算

光緒二年丙子夏妖人剪髮

有妖術剪紙人能以符咒化清風割人辨髮鄉人惶恐異常

六年庚辰冬大雪

樹木結冰多被壓折

七年辛巳春二月大雪大凍河水堅可行人

八年壬午夏五月大水

自初一日起連日淋雨至初五日早大雨傾盆蛟洪猝至水頭高數丈城墻崩潰數處城門漂至長江各處堤壩無一完全者冲潰屋宇淹死人民無算災報上峯請賑派委喬公給散嚴君佐之亦携

鉅款給賑是年銀糧免徵民賴以安

十年甲申三月二十日大雨雹

午後雹猝至闕里許所過之區麥苗毀盡

十一年乙酉秋七月大風三日

十五六七大風三日田穀熟者盡被吹落是年冬大饑

是年縣東王銘台妻桂氏一產三男

十二年丙戌夏四月大水

十三年丁亥四月二十二日王之第妻徐氏一產三男

秋八月久雨為災

自立秋至寒露節後雨七十餘日五穀糜爛不可以數計

十五年己丑大旱

穀多秀而不實

十八年壬辰飛蝗入境不為災

二十一年乙未夏大旱是年文治橋東居民家豕生一象

秋九月十四日大雪

二十二年丙申夏大水

五月十三日下午水溢

約漲三四五尺不等

秋九月馬鞍山崩

聲聞十里

二十三年丁酉秋大旱

自八月杪至臘月初約計百餘日始雨乃種菜麥次年菜麥大熟

二十四年戊戌春二月十五日白虹貫日

二十六年庚子夏五月熒惑入南斗

二十七年辛丑縣南蔡月恒月妻金氏一產一男兩女

三十二年丙午十一月初二夜大雷雪

十二月十三日早大雷雨

三十三年丁未秋九月地震水溢

三十四年戊申秋八月初七夜天有光自東北至西南裂開尺許閃爍有紅光約計六

刻十一月初四夜亦然

宣統二年庚戌冬十二月除夕大雷雨識者知為滿清亡國之兆

民國元年壬子秋田禾生蝨蟲食稻根收成減半次年大荒水漲堤潰米每石值錢八千文

二年癸丑夏五月大水六七月復告旱是年米價騰貴

三年甲寅秋八月二十九日大雨雹是年稻穀已熟打落入泥縣東一帶甚受其害

四年乙卯夏五月二十一日大水潰堤

六年丁巳正月初二地震有聲二月初一日地復震亦有聲

是年三月上浣虎入室縣南二十里吳家冲有猛虎日午闖入吳結彩宅彩喚子姪獲之

七年戊午九月二十二日無雲而雷是日天晴無纖毫雲翳未刻忽雷聲轟轟約三分鐘

止視日影猶爛然

是日天隕石有二處一重六斤墜於北新橋旁一重四斤許墜於額頭灣拾之初有熱氣嗅之如硫黃

八年己未夏五月大水自二十三至二十七連日大雨色南堤壩盡潰

秋七月二十七日大風雨雹拔木毀屋雹大者如盤次若碗若卵縣西南隅禾稼受傷成巨災

軼事

唐李靖字藥師以功封衛公

傳見唐書

淮記云靖布衣時赴京師失

路混行至天晚往一朱門借宿夜半有人叩門曰天帝命行雨主婦接天使旨往告靖曰此非凡處乃龍宮也請先生為我行雨靖不得辭主婦即出馬一匹瓢一扇與之曰馬嘶即將瓢水滴鬃上靖如其言馬果嘶雲霧隨黯雷電晦冥連下數滴一時平地水深三尺靖遂得回今縣東李家灣是靖舊址

趙知微有道術中秋積陰不解知微謂人曰能昇天柱峯玩月否少頃曳杖而出既闢荆扉而皓月如晝捫蘿援條及峰之巔舉酒方歸風雨宛然

明萬歷間盜躡潞山刼王立達然膏炙之其僕愛童裸體持器力鬪立達乃得逸去而童被殺又汪世偉者方襁褓父母死於賊其老僕魏二有幼子懼難兩全卽棄己子懷世偉而逃遭值凶荒乳哺婚教靡不至及世偉長執役事主甚謹絕不居其功又王允元爲賊所執將殺之其僕唐二性蠢樸多力倉皇趨救與賊相持允元因脫走唐被縛罵不絕口賊寸磔之三人皆義士也而魏二撫主成立絕不市德尤士君子所難

霍山南岳有雲師兩虎雲師如蠶長六寸似兔兩虎如蝮長七八寸似蛭雲雨之時出在石上肉甘可食

府志

西門大河洪水冲隄崩露一棺有願主簿者過而見之將爲遷

葬忽棺旁得一石其文曰此地好行船暫居五百年遇着願主簿送我到高堦願遂爲改葬於城內高堦壩焉

馬氏兩姑一曰二姑一曰伏姑俱明季人其良人姓字皆不傳傳二姑出嫁踰年有身聞母病不及乘輿疾走歸寧中道胎墮卒母家具棺殮葬之至今尙有靈驗祈禱輒應或動其一坏土立降以災伏姑與夫相敬如賓一日夫早起望見寇騎知不免謂姑曰吾不敢以父母遺體辱於賊刃將赴水矣汝從寇去可乎姑曰君欲全孝妾獨不能爲全節耶遂携手投塘死時夫家皆斃於寇母家收姑夫婦骸合葬之是兩姑一全孝一全節焉道光十年縣丞庶常桂林胡長慶請仙有仙降叱云閒步園林



夕照時袖中匕首出來遲丹心有血古今恨青史無名天地知  
大節千秋懸白日煤山三月伴皇屍而今國破家何在枯草荒  
苔蝕斷碑自判云明末侍衛叩其姓名不答


清高宗之南巡也黃文襄廷桂任江督方厲威重供張悉咄嗟  
取辦屬吏惕息無敢稍忤意者時丹徒知縣爲灣山熊君會珍  
開闢御道不忍壞人家墓迂繞里許文襄大怒謂蹕路所經不  
由直道是大不敬弗急改必誅君對曰豈駕前有人持指南針  
由京師直至丹徒不一轉灣耶且上非秦始皇如聞江南有發  
冢暴骼事必赫然震怒罪將在公而不在某幸而上不知公獨  
無惻隱心乎道府咸駭引君袂使謝君不肯且大言曰參官已

耳尙能殺我耶文襄無如何道卒得不改蘇臬某公好微行訪  
察一日密檄逮丹徒大猾某解省君使人拘之至則農家愿慤  
人也立縱之去以實上稟未幾以事赴蘇臬司怒曰君識其爲  
善人而遣之策我不能識人耶君曰由縣解司中間胥吏層層  
需索公卽有臬陶之明訊而釋之而其家已破誣者之計得矣  
臬司瞿然爲之改行熊君後以治績擢至知府嘗曰長官亦人  
耳何必懼有患得患失心則面少人色將順不暇居官之治蹟  
可想見矣其言其事足以戒世之脂韋者

前清光緒時有丐者携一瓢一囊晝乞村落夜宿古廟至槎水  
里人蕭璞完異之詢知其能詩迺薰沐而館之塾中爲之延譽

由是四方文人多與之往還倡和其詩文頗有奇氣自述爲粵西人姓譚名隨字方亭別號遲聞寺逃禪然與之久處者叩其家世輒弗應其殆有託而逃如潘逍遙之流歟則其所稱姓名恐亦不足據也客滯二三年逐處留題時來時去後遂不知所之其過皖弔余忠宣公墓句云一死無元朝孤墳自千古明月與清風夜夜弔江潯

邑東街相傳明進士王嘉柔建坊仙人降臨坊下有紅石一塊印仙人足跡歷數百年不磨故至今名爲仙人掌云



原件短缺

阡墓

上古赫胥氏陵在天柱山朝陽峯左

原按赫胥一作赫蘇路史蘇氏葬朝陽寰宇記赫

胥氏在臨濟東故朝陽城內二里今章邱也然仙傳拾遺虞帝登仙於蒼梧赫胥曜跡於瀾山蒙上蒼梧為辭曜跡正指墓地江南通志列於陵墓之首未為無據今仍之通志

後漢太尉橋玄墓相傳在彰法山廣教寺後

原按後漢書玄建

安七年曹公軍譙遂至後侯遣使以太牢祀玄自為文曰奉命東征屯次鄉里北望貴土乃心陵墓裁致薄奠公其享之寰宇記譙郡魏改梁國己氏縣志與睢陽連境故魏武帝軍譙而云北望貴土也若在瀾山當云南望矣橋玄為太尉葬河南此則二喬之父所稱喬公者爾通志

宋何思墓在王家坦

通志

齊何昌寓墓在縣北報恩寺後

一統志在瀾山北八里水車坂通志

唐霍國公柴紹墓相傳在太平山

原按唐書平陽公主以武德六年薨高祖特異其禮賜羽

葆鼓吹虎賁班劍雖不言葬地而其為京師無疑也紹薨太宗親自臨問亦在長安無疑豈有相近不與公主合葬而墓獨遠

在潯山乎姑存以俟考

通志

河中節度使畢誠墓相傳在潯山縣

原按一統志畢誠偃師人嘗寓舒州讀書主簿山其

葬此未知何縣南四里黃龍塚

舊志

韓刺史墓在太平山未詳

王夫人在王家坦仰山其斷碑存千里聞訃四字

後周葛觀察墓在縣治北三里廣教寺後團山嘴有碑亭華表

界碑

宋王祐墓王罕墓并在王家坦

貞女黃千金墓在縣東門千金巷內

元曹丞相墓在縣西北七十里牛眠山相傳元人未詳

陳都統制墓在九都坂諱宗義有碑

鐵面宣將軍墓諱璽墓在縣西二十里傅家沖向宣家塘舊名

宣家村將軍致仕養休於此後卜塋焉其裔孫還歸皖城遂隸

籍於懷邑薩天錫贈以詩云鐵面小將軍旌旗鎮海門兵機出

孫武膽氣走桓溫社稷劍三尺乾坤酒一樽茫茫霄漢內此意

與誰論

明金尚寶墓諱燕墓在縣西北二十五里貓兒嶺傍有碑

葛處士墓諱暹墓在縣西三十里鳳凰橋有碑

徐方伯墓方伯諱堯莘在縣東三十五里皇華山碑陰載年譜墓界墓前有祀田九擔

徐封公墓諱杲在大吳寺後縣北四十里有碑

王太守墓諱仕傑由進士歷郡守墓在邑北三里彰法山楊家冲有碑其恭人及妾與子媳俱環葬焉

徐太守墓諱桂嘉靖乙未進士歷官鄖陽太守墓在邑南二十里洋塘湖有碑

梅花女墓在捕廳署後順治十五年典史丁鳴鶴立碑並題曰明乎宋乎莫知其自卒斯塋斯頗著靈異孰爲主之宦斯者事乾隆二年典史金國治暨貢生劉維嵩重立碑題曰墓靈祭誠

相繼宋明悠悠輿論貞烈留名梅花遺世千載如生

清常桂芳墓縣令常大忠之女在廣教寺旁常公爲之銘曰桂芳常氏從宦舒州歷年十七與造物遊康熙二載塋此荒邱靈魂妥貼永世無尤

丁貞女墓在縣東關有碑

愛女塚縣令李善旭之女在北門外護城堤隔河佛果菴旁有碑上橫鐫愛女塚三字道光壬寅年嘉平月立

義塚附

漏澤園設以葬民之死而無歸者在縣北三里彭家嶺陳大獻所施地萬曆辛亥知縣衷允元定界勒碑

同及園崇禎己卯知縣柯友桂創建城垣啟舊城址古塚及寇疫無主骸骨並收木匣葬之在縣東二里白沙庵豎碑題爲同及園

西澤局乾隆二十四年建在護地廟旁後改建彰法山有碑記義士塚在縣東鄉崩河之東離城三里咸豐六年十二月方伯李元華率六安練勇復濠駐師於此逾日安慶賊僞輔王楊輔清挾大股猝至圍攻練卒傷死者一百二十八人坎葬於此同治六年邑紳徐槐鄉等價買林姓田境築塚立墓撰文呈請知事趙志和示禁有碑光緒二十五年士紳等復備文呈請知事周鳳梧諭令籌捐置買田種租六十餘石與保嬰堂對管每年

清明中元下元經管者備辦香紙祭奠罔替民國七年冬又將塚傍林姓田種價併以廣墳境而垂久遠亦有碑

澤枯園縣東十一里黑虎冲左民國己未林茂修價買族人螞蝗墩青山一片掩埋路斃以及無主浮棺並擬簡章呈請吳知事出示以垂久遠且防障礙

掩骼廠縣北五里太平塔後民國五年林柱臣價買陳家上牌青山一片掩埋無主浮棺以及流丐倒斃

安樂義山縣東十二里亂堆山該山專爲收埋暴露枯骨創自汪達三馮得傳已經稟請立案奉示勒碑二人各捐山一片

崇義堂義山縣南三十里石家大屋後周圍立有界石林詠韶

郝秀耀郝啟薰等捐款置買

同仁局義塚縣東敦厚里

澗山縣志卷三十

雜類志

僊釋

周匡俗一名續字子孝夏禹之裔嘗乘雲入關師事老子還廬山受業劉越真人門積功累行又嘗遐舉於澗山棲隱至今有遺跡存焉

秦華子期九江人師事角里先生受仙靈隱寶方合服之日返老還少日行五百里能舉千斤一歲十易皮如蟬蛻相傳隱於澗山後昇仙去

漢樂長子齊人少好道遇仙於霜林授以巨勝靈兆散方仙人



告曰蛇服此化龍人服爲童年一百八十色如少女棲隱澗山號澗山眞君其遺跡至今猶存唐明皇贊曰無爲志性元風自化冰霜飢骨龜年鶴駕超然出塵視爲高下降節朝元能延晝夜

太元眞人司命眞君姓茅諱盈字叔申咸陽南關人年十八學道入恒山遂師西域王君三年師與九轉七還丹一劑道成選補東嶽眞鄉霍林司命君總領吳越生死之錄下治澗嶽

東漢左慈字元放邑人於天柱山中精思學道得石室中丹經尤明六甲能使鬼神坐致行廚變化萬象曹操召見閉一室斷穀期年出之顏色如故操嘗宴賓曰今日高會所少松江鱸耳

慈因求銅盆貯水以竿釣之卽得鱸操曰恨無蜀薑慈曰易得操恐近取因曰吾前遣人到蜀買錦可報增二十段慈曰諾乃擲盃空中化鶴而去須臾袖中出薑後買錦者回果云是日得報增錦操出郊從者百許慈爲齋酒一升脯一斤手自斟酌百官莫不醉飽操怪之行視諸壚悉亡其酒脯矣操惡其怪因收慈欲殺之慈乃卻入室中不知所在或見於市捕之而市人皆變形與慈同莫辨誰是或逢慈於陽城山頭因復逐之遂奔入羊羣操知不可得乃令使告之曰不復相殺本試君術耳忽有一老羝屈前兩膝人立而言曰遽如許使欲取之而羣羊數百皆變羝並人立云遽如許亦莫知取焉

馬湘字自然好經史工文學嘗與道侶徧游方外登杭州秦望山作詩云太一初分何處尋空留歷數變人心九天日月移朝暮萬里山川自古今風動水光吞遠徼雨添嵐氣沒高林秦皇漫作驅山計蒼海茫茫轉更深後歸省兄兄適出謂嫂曰特歸與兄分此宅我惟愛東園耳待兄三日不歸遽卒明日兄歸感慟曰弟學道多年是歸托化以絕望耳乃棺斂遂窆之東園明年東川奏梓潼縣道士馬自然白日上昇詔杭州發其棺只一竹杖而已曾修道於皖公山之黑虎洞至今猶有遺跡云

崔真人名文子泰山人好黃老居澗山

宋李斯立居東山靈仙觀嘗從蘇軾游年逾八十作詩不凡如巖溜連雲凍溪梅帶雪香有意峯巒千嶂出無名花草百般香皆佳句也

崔之道邑人爲真源宮道士嘗見二仙人對奕與一奕子令吞自此言禍福輒應後尸解

寶錄姓陳名谷真嘗修煉於澗山山中大振玄教宋立天祚萬壽宮以祀之

劉度人邑人每於澗山丹霞石上誦靈寶度人經一日遇一神人邀至金鷄石見三仙子對奕一仙與劉一棋子使吞之後劉仙去人視其殮惟履杖而已

鄭真人名景世隱於澗山

張真人名重華濤山學道

樵夫姓柴不知何代人居真源宮東山後唐元和中舒人畢公知其異待之甚勤指地一所與畢公葬二親後爲宰相

何義清邑人字道源熙寧中在真源宮聖祖殿後得道

周齊賢常州天慶觀道士至真源宮修養於雲會堂

吳公宋初人住天堂應家冲母應氏生公時多瑞徵其貌不颺惟兄嫂珍之牧於山遇異人授以道遂能致雷電風雨歿後土人建祠祀之明太祖因旱禱雨公感於夢而兩注遂勅封吳公道勝龍王成化間郡守楊公亦因禱應重修廟宇崇禎庚辰盧內監督師剿寇渡江風波大作公先夜入夢援救之盧命工復

新其像公得道爲兩部龍神土人食其德非一世矣又儲公德勝者生而身有龍文幼學道平頭山永樂二年歿顯應亦如吳公

梁寶誌禪師金陵東陽民朱氏婦上己日聞兒啼鷹窠中梯樹得之舉以爲子七歲依鍾山僧儉出家專修禪觀宋太始二年披髮徒跣著錦袍往來濤山皖水間以剪尺拂子拄杖頭負之而行或旬日不食亦無饑容時或歌吟詞如讖記士庶皆敬事之建元中謂師惑衆收付建康獄中人或見其在市及檢獄如故梁武卽位下詔曰誌公跡拘塵垢神遊冥寂水火不能焦濡蛇虎不能侵害豈以俗士常情空相拘制自今不得復禁一日

問師曰弟子煩惑何以治之師曰十二識者以為十三因緣治惑藥也時舒州潯山景色最稱奇絕山麓尤勝誌公與白鶴道人皆欲之武帝以二人皆具靈通命各以物識其地得者居之道人云某以鶴止處為記誌公云某以錫卓處為記已而鶴先飛至將止於麓忽聞空中錫聲驚止他所而錫遂卓於山麓二人乃各以所識築室焉今山谷有卓錫白鶴二泉

隋三祖璨大師初以白衣謁二祖既受度傳法遂隱於舒州皖公山積十餘載時人無有知者至隋開皇間有沙彌道信者年方十四來禮師曰願和尚慈悲乞與解脫法門師曰誰縛汝曰無人縛師曰既無人縛何更求解脫信於言下大悟服勞九載

師屢試以元微知其緣熟乃付以法衣且授偈云華種雖因地從地種華生若無人下種華地盡無生授偈畢復適羅浮山優游二載却旋舊址逾月士民奔趨大設檀供師為四眾廣宣心

要作信心銘曰

至道無難惟嫌揀擇但莫憎愛洞當明白毫釐有差天地懸隔欲得現前莫存順逆違順相爭

是為心病不識元首徒勞念靜圓同太虛無欠無餘良由取舍所以不如莫逐有緣勿住空忍一種平懷混目自盡止動歸止止更彌動唯滯兩邊寧知一種不通兩處失功遣有沒從空背空多言多慮轉不相應絕言絕慮無處不通歸根得旨隨照失宗須臾返照勝却前空前空轉變皆由妄見不用求真惟須息見二見不住慎莫追尋纔有是非紛然失心二由一有一亦莫守一心不生萬法無咎無非紛然失心二由一有一境逐能沉境由能境能欲知兩段原是空一境同兩齊含萬象不見精粗寧有偏黨大道體寬無易無難小見狐疑轉急轉遲執之失度必入邪路放之自然體無去住任性合道道遙絕惱繫念歸真昏沉不好勞神何用疏親欲取一乘勿惡六塵六塵不惡還同正覺智者無為愚人自縛法無異法

妄自愛著將心用心豈非大錯迷生寂亂悟無好惡一切二邊  
 良由斟酌夢幻空花何勞把捉得失是非一時放却眼若不寐  
 諸夢自除心若不異萬法一如如動元兀爾忘緣萬法齊觀  
 歸復自然泯其所以不可方比止動無動止無止兩既不成  
 一何有爾究竟不留無可記憶虛明自照不勞心力非思量處  
 正信調直一切不留無可記憶虛明自照不勞心力非思量處  
 識情難測真如法界無他無自要急相應惟言不二不在  
 無不包容十方智者皆入此宗非延促一念萬年無不在  
 十方目前極小同大忘絕境界極大同一切一切一即但能如是  
 無即是若有若不如是必不須守一即一切一切一即但能如是  
 何慮不畢信心不二不  
 信心言語道斷非去來今 既訖于法會大樹下台掌而終即隋  
 煬帝大業二年也唐元宗謚鑑智禪師李常天寶乙酉遇荷澤  
 禪師得師墓於山谷寺乃啟墳取真儀閣維之得五色舍利三  
 百粒以百粒寄荷澤常留百粒以百粒成師像建塔  
 唐智威禪師姓華氏身長七尺六寸智勇過人為隋中郎將唐

武德中乃乞身出家入舒州皖公山從寶月禪師為弟子師平  
 生惟用一衲一鑊終老不易有供僧穀二廩盜者窺伺虎為守  
 之時縣令張遜詣山謁師問師曰徒從幾何師曰二三人遜曰  
 何在師以拂子擊禪牀三聲二虎咆哮而出遜驚怖師指之使  
 去有昔同從軍二人聞師隱遁乃共入山訪之既見因謂曰師  
 將狂耶師曰我狂欲醒君狂正發夫嗜色淫聲貪榮富寵流轉  
 生死何由自出二人感嘆而去

崇慧禪師住天柱山初得法於牛頭威僧問如何是天柱境師  
 曰主簿山高難見日玉鏡峰前易曉人問如何是天柱家風師  
 曰時有白雲來閉戶更無風月四山流問亡僧遷化向甚麼去

師曰灣嶽峯高長積翠舒江夜月色光輝間如何是道曰白雲覆青嶂峯鳥步庭花問宗門中事請師舉唱曰石牛長吼真空外木馬嘶時日隱山間如何是天柱山中人曰獨步千峯頂優游九曲泉唐大歷己未示寂人言其身百年餘未腐

天柱山和尚得旨雲門文偃住天柱山

大同禪師邑人唐咸通間初參翠微無學得旨歸鄉居鳳石山中和中巢寇亂有狂徒持刃問師曰住此爲何師乃隨宜說法渠魁聞而拜伏

宋三祖法宗禪師黃龍南之嗣也住山谷乾元寺

慧勤佛鑑禪師五祖演之嗣也住太平寺

三祖冲會圓智禪師天衣懷之嗣也住山谷乾元寺

龍門清遠佛眼禪師五祖演之嗣也元祐三年爲舒州太平持鉢演和尚自太平將遷海會佛眼作偈告辭曰西別岷峨路五千示携餅錫禮高禪不材雖見頻揮杖鈍足難諧再舉鞭深感恩光同日月未能踪跡上林泉詰朝且向山前去他日重來會有緣演以偈送之曰皖伯臺前送別時桃花如錦柳如眉來年此日凭欄看依舊青青一兩枝

石遠禪師崇福慶祥之裔也道著灣山

明宗善姓鍾號妙峯元末爲指揮使從余忠宣守安慶及城陷善披緇隱居灣永隆山後得道爲永隆開山祖云

朱橘望江人母夢香星有娠十五月嘗憂焉有道人持物如橘謂其母曰食此子生矣問名氏示以扇其上有麵君子三字既誕因名橘讀書聰穎尤精于易後臨池顧影有悟遂薄名利慕修煉忽遇道人持橘歌曰橘橘橘無人識惟有姓朱人方知是端的橘因隨至郊外拜問曰非麵君子乎不答泣請乃授以符訣令往皖山築室修煉橘遂修道於皖公山後至惠州之博羅

立化

江南通志

無心和尙自蜀來朝普陀遂憩灣山之永水菴年七十好笑如兒童狀居有頃逢人募薪一束植至百擔自理之如陶穴然一日寄語辭山下人曰無心以某日去人怪之及期乃入柴穴中

木魚聲不絕後自取火手自茶毗火光撲面將木魚擲外口稱

去了須臾而化其骨不僵至今塔在小岑有像如生

江南通志

鄔公修道廬山十八年灣山歲旱求雨不應鄔奪道士旗呼衆隨伊取水少頃大雨如注鄔忽不見人刻像祀之每歲旱禱雨

輒應

安徽通志

西來禪師姓檀望江人有慧根長齋繡佛修道於大土地廟道光末年圓寂到今面目如生人咸呼爲活佛並顏其座曰眞身寶殿

高公廟在縣北鄉黃沙嶺側公諱潮海乾隆初年人少失怙恃爲人牧牛家極貧無子嘗謂鄰里曰我死塋於先人塋側地方

他日若有災眚以麥飯祀我我陰相之年八十無疾而逝鄉人如其言有禱輒應

梁白鶴道人梁武帝時方士愛舒州澧山奇絕時有浮屠寶誌者亦欲其地武帝命二人各以物識其地得者居之道人以鶴止處為記寶誌以卓錫處為記已而鶴先飛去忽聞空中錫飛聲遂卓於山麓而鶴止他處遂各以所識築室焉

寺觀

興化寺

舊在城西同安橋今廢

天寧寺

在縣治東南舒臺宋慶歷創明洪武重修後寺北郡守胡纘宗改為皖山書院尋復建寺今廢

太平寺

在清照鄉縣北五里太平山有塔塔前真武殿塔後有玉皇閣塔旁為寺後因兵變改建寺於塔前

影法寺

在玉照鄉縣北五里影法山宋創久廢但存遺址

山谷寺

舊名乾元寺在清照鄉縣北十五里真源宮右梁武帝時誌公卓錫於此建外七小塔宋太宗太平興國七年

壬午舒民柯萼遇老僧住萬歲山指古松下榭之得石篆乃誌公記聖祚綿遠之文進之朝名瑞石遺使致謝謚曰寶公賜號道林真覺禪師隋煬帝大業二年丙寅十月十五日三祖璨禪師於山谷大樹下合掌立化葬山谷寺後唐立宗謚師為鑑智禪師三天寶乙酉舒別駕李常啟師真儀閣維之得五色舍利三百粒以百粒出已俸建塔南寶塑師像代宗七年史張延賞為請于朝得冊謚號塔曰覺寂刺史獨孤及撰碑銘詞曰按前志禪師號僧璨不知何許人出見於周隋間傳教於惠可



師金唐文作所  
不五由北不至其少時

皆作乃

竹作竹

某作及  
某作茶 而作是

潮作潮 舊作馬

後同寅叶恭西

墜作墜

揚作揚

鑑作鑑

吳春

某作及 謂作乃

乃作施及

如禪與世道之相表

讀全方之誤作清

始懷此行

物類之夫善力聖德

其嗣年則焉夫公曰

非之致

也與六籍作聖德呼微

聖德非非宿植

疑作疑

世作劫

世作劫

為作子 二作三  
子作於 解作桂解

大我師衣鄴中得道於司空山謂身相非真故示有瘡疾謂法  
無不在內外中故必言下不見法不見身不略以寂妙用  
相品流注生滅觀四維上下不見法不見身不略以寂妙用  
名也上膺付囑下拯昏疑大雲垂應國土皆化謂脫禪師率是  
至我俱是付有羅浮之行其來不來也其去無去也既而位裝  
與法俱是付有羅浮之行其來不來也其去無去也既而位裝  
五年歲次庚戌某剖符是州登禪師居周覽陳跡明徵故事  
其茶始起塔之制實天寶丙戌中別駕前河南少尹趙郡李公  
尚書贈太尉河南公瑄繼論誤之而尊道之典易名之禮則  
朝蜀廷方以多故而先師名氏未長老比邱釋惠融至自廣陵  
與蜀松俱老痛先師名氏未長老比邱釋惠融至自廣陵  
俊丞以請會是歲嵩邱大比邱釋惠融至自廣陵  
比邱釋惠融至自廣陵  
塔之命號之不自崇州牧御史大夫張公延賞以狀聞於是七  
之宏誓以抒罔極楊州牧御史大夫張公延賞以狀聞於是七  
年夏四月沛人灑掃供養天書錫命輝煥雖谷衆庶踴躍謂  
寂以大僧七人灑掃供養天書錫命輝煥雖谷衆庶踴躍謂

大乘中興是日大比邱衆議立石於塔東南隅紀心法廢興之  
所以然某以謂初中國之有佛教自漢孝明始也歷魏晉宋齊  
乃梁武言第一義諦者不過布施持戒天下惑而未思惠可大  
知禪至菩提達摩大師始示以諸佛心要人疑而未思惠可大  
師傳而持之思而未修治禪師三葉其風廣真如法味之日  
漸月漬萬木之根莖枝葉悉沐我兩然後空王之密藏二祖之  
微言始行於世間深者見佛性于言下如燈之焰物雙峯大  
為法無非妄想深者見佛性于言下如燈之焰物雙峯大  
信其人徒萬人升堂者六十有得自惠神秀公傳正寂  
寂公之門徒萬人升堂者六十有得自惠神秀公傳正寂  
也於戲微禪師吾其二乘矣後代何述焉某嘗味禪師之道也  
久故不讓其銘曰人之靜性與刃為賊生知誘於外染為妄識如  
浪斯鼓與風動息淫駭貪怒為刃為賊生知誘於外染為妄識如  
來憫之為闢度門即妄了真以澄覺緣起如汝禪心印胎我後  
生禪師俾以教尊二童蒙來世我意微言如汝禪心印胎我後  
身法滅我與道全童蒙來世我意微言如汝禪心印胎我後  
明昭賁億兆膜拜凡今後學入佛境界子取非取誰縛解解萬  
有千歲此法無壞唐武宗會昌間滅佛法塔與碑皆毀唐宣宗

卷二十 詩觀 十

必作足 師作門 唐作陰 印作岳 謹 唯 始示心 冥作化 我作化 聞作向 忍忍公 二作三 吳自是 如作如 朝作如 朝作如

大中初塔復置而碑未立唐懿宗咸通二年八月刺史張彥遠  
 重建碑作記曰大歷初彥遠會祖魏國公留守東都兼河南尹  
 洛陽當擊火之後禪宗塔皆為邱墟迎致嵩山沙門澄沼修大  
 聖善寺沼行爲禪宗德爲帝師化滅詔謚大師法塔與塔額刺史  
 也洎鎮于蜀皆有崇飾在淮南奏天子滅師法塔與塔皆毀像  
 獨孤君爲之碑張從申書字會昌塔不在乎碑大中初塔復置  
 雖毀而未法不能滅是法也不在沙門重議刊建河東張彥遠書  
 而碑未立咸通二年八月遂與沙門造資壽寶塔一座皇祐佛  
 牙舍利用金銀匣盛御寶命本邑官員監藏於塔座基下皇祐  
 二年六月二十七日雷火燒毀山谷寺復造資壽寶殿神宗熙寧  
 三年十一月十一日工完米芾山谷寺選佛場記曰盡法界爲  
 一選佛場無量聖賢從此出無量衆生自此以度以四諦十  
 二支而中選者爲聲聞圓覺以六度萬行而中選者爲佛菩薩  
 以戒定慧十善或中或下于選者爲修羅旁生地獄鬼趣中  
 自中選自選也雖如來威神不能以與人然不能以與人而  
 能以其所以爲三界父也昔在梁朝有二大士曰公曰達摩一  
 生于金陵一自西土等如來心佩如來印俱爲東夏選佛主  
 龍舒山谷寺者即誌公飛金陵之錫宅于前三祖承達摩之衣

居于後其所爲選佛場也後八百年有圓禪師重興北山國朝  
 崇奉愈前代沙門守禧承法嗣居建廣厦于山谷之間以延學  
 者無爲子題之曰選佛堂若夫天柱立而不假斧斤石牛眠而  
 不勞鞭策白雲舒卷流水潺湲野草春青山禽夜集黃花翠竹  
 牧笛樵韻莫非諸佛度門選場要路有能解脫是爲上機不歷  
 三祇頓超十地非大丈夫執能與此元季爲兵所毀惟塔獨存  
 明洪熙元年甲辰僧人普聚重興寺門有溝通大河緣溝進  
 爲山門北上爲天王殿次乾元閣開地改爲大雄寶殿乃邑  
 人葛永綬重建殿左爲禪堂有丈六金身萬歷間堂焚崇正庚午  
 知縣李新重建大雄寶殿後爲寶公殿次觀音閣閣後峭壁陡  
 絕相傳達摩所鑿者

**天柱寺** 在清照鄉北三十里唐開元崇慧禪師開山乾元間  
 禪寺有九楹長紗殿明洪武

**佛光寺** 在清照鄉北四十里舊爲馬祖庵明萬歷丁酉桐城  
 吳應賓懷寧阮自華因達觀和尚駐錫說法請上勅建

**佛光寺** 吳應賓懷寧阮自華因達觀和尚駐錫說法請上勅建

緣皖山深處有昔人坐禪一片地春山雨後誰識牛車霜月溪

前何關磚鏡此一時節因緣也茅屋數椽高峯千載紫柏和尙  
重坐釣臺青眼步兵追尋芳餌西江水盡黃葉成金選佛場聞  
含香噴雪此一輪節若祇園標佛光於祖印供與八部剎演一  
葉轉玉軸於金幢祝無疆之帝歷此一時節因緣也於是分遣  
乘建最勝之法幢若無疆之帝歷此一時節因緣也於是分遣  
消歸佛土莊嚴三十五代宗風幻作心王住處此四十九年妙  
也夫微塵經卷等大千一際剎那體包沙劫誰明時節孰辨  
因緣良由因不獨立托境方生緣不自成識變方起斯乃非相  
之相無功之匪內外中間之所詮豈何心而轉鐵華言梵語  
見謝芭蕉無耳而聞雷令古情亡磁石何心而轉鐵華言梵語  
寂非教外別傳刻指撥空王之產將此身心奉塵刹是則名大  
為報佛恩聊申勸請之言願獲自華復捐賞置齋田茶地竹木  
己亥上命使黨禮御賜藏經自華復捐賞置齋田茶地竹木  
為接眾揀藏之費明末寺與俱焚順治十年副總兵梁大用  
重建正殿按馬祖庵乃江西馬祖道一禪師會行脚至此後  
人因建為庵也道人馬自然庵為馬自然庵與此  
庵相距二里許舊志以馬祖庵為馬自然庵與此

大吳寺

舊志載即靈隱寺在縣北玉照鄉六十里楊思坊元大  
德創明末寇焚郡志載順治年間僧智亮募建考山谷  
志附載此寺開山係僧日本後裔乾隆三十四年僧西成任本縣  
住此興創今寺僧皆行珍後裔乾隆三十四年僧西成任本縣  
僧會

觀音寺

在清照鄉北七十里中  
葛寶有觀音岩宋紹聖創

資福寺

在清照鄉北一百里湯  
池坂羅源山宋慶歷創

後山寺

一名法雲寺在清照鄉北  
北八十里嚮陽晉咸和創

古佛寺

師西峯寺在清照鄉北一  
百二十里湖向宋慶歷創

雲溪寺

在清照鄉北一百二  
里五河宋紹聖創

佛子寺

在清照鄉北八十里  
羅家莊宋慶歷創

吉祥寺

在清照鄉北四  
十里駕霧冲宋創

濠山縣志

雲峯寺 在濠嶽鄉縣西三十里 王家牌樓元泰定創

求芝寺 在濠嶽鄉縣西三十里 撥嵩坂宋天禧創

板門寺 即演化寺在濠嶽鄉縣西二里 五里板門山宋慶歷創

西竺寺 在濠嶽鄉縣西三十里 泥港三障山宋慶歷創

百文寺 邑南二十八里 十三姓公建

萬安寺 在濠嶽鄉縣南二十里 家山嘴長壽山唐乾元創

羅漢寺 在濠嶽鄉縣西六里 宋嘉泰創

清涼寺 在堯年鄉縣南五里 元大德創

上奉先守 邑南八里 宋嘉泰創 清咸豐 閩兵燹毀盡同治四年重建

下奉先守 邑南二十五里 堯年鄉 宋紹興創 廟業衆姓捐助 咸同間兵燹傾圮續經盧姓復修廟業仍歸公有

永明寺 在堯年鄉縣南十五里 薛家山宋紹興創

珠琳寺 在堯年鄉縣南十三里 袁家河唐乾元創

廣教寺 在玉照鄉縣東三里 彰法山漢末喬公居此 後人於其故址建亭名秀英亭廢宋紹興改為寺

東山寺 即兜率寺在玉照鄉縣東八里 亂墩山元大德創 明末冠焚清初耆民安廣居捐貲鼎建

登高寺 在玉照鄉縣東二十里 烏石堰宋慶歷間創

石陂寺 俗名石壁寺在玉照鄉縣東三十里 梁天監創有田種壹石

延壽寺 在玉照鄉縣東三十里 皇華山宋建隆創

時思寺 在玉照鄉縣東四十里 報龍河有四顧墩墩上有禱雨臺元大德創

雲居寺 即釣魚寺在玉照鄉縣東六十里 有沙河有釣魚臺宋慶歷創

甘露寺 唐乾元創在玉照鄉縣北四十里 萬歲山旁有田三石生員徐家憲立碑紀之

登場寺

在玉照鄉縣北八十里  
水板白涯山宋大觀創

大通寺

在玉照鄉縣北八十里  
水河捉虎嶺宋大觀創

祖登寺

在玉照鄉縣北一百里  
龍山黃柏河宋紹興創

金城寺

在玉照鄉縣北一百二  
十里黃石坂宋紹興創

妙淨寺

在縣東北二十里  
明洪武間創久廢

湧泉寺

馬鞍山寺

在縣東四十里  
明洪武間創久廢

寒山寺

縣北六十里  
馬園衆姓捐建

金壁寺

縣北七十里  
賜石上古碑可考  
舊志載妙道庵非是

柳林寺

在縣北官莊之柳林  
河居民捐建  
桐城張相國英贈額云白雲深靜

雷音寺

在縣北金紫山  
之金紫寨內

香山寺

縣北二十里  
忠節一心等醮  
金踞半山建寺名以香山  
旋因住持無

人寺屋就圯光緒戊申合肥王心田女僧長法先後蒞止募巨  
金從事擴張暮年而成殿宇崔莪神像羅列僧舍法堂皆備山  
門斜坡石級凡八十一如履天臺勝境焉越二年鑄萬名鐘一  
高八尺圍一丈五尺餘厚八寸重量在萬斤上鼎一高六尺圍一  
丈許亦巨觀也寺左巨石若鐘與寺右若  
鼓者遙對其外復有白龍井白鶴洞諸勝

庵

文峯庵

在縣治南萬歷壬寅知縣于廷采建塔於縣治青龍內  
澇南河建石橋教諭周拱與有勞焉因於塔下建庵內

迴龍庵

在縣治東南萬歷壬寅知縣于廷采  
澇南河爲腰帶水因於水口建庵  
建周師祠有學田種一石給僧居祀庵祠後爲寇  
燬順治間學博潘煜如再改建名天水庵今廢

白沙庵

在縣東崩河萬歷  
間知縣陸元錫建

迴瀾庵

在縣西門外萬歷間知縣于廷采因河水衝蕩砌石堤障之建庵其上後廢

杯渡庵

在縣西門外萬歷間知縣李新建西大河口橋因建庵寇焚順治間重修今圯於河

東庵

西庵 南庵 北庵 四庵相去里許俱在

吳塘庵

在吳塘堰石堤之上

白雲庵

即魯道人庵在清照鄉縣北二十五里虎頭巖道人歲種樹易米所居極幽深路旁有數大石卓立奇怪

佛果庵

在北門外今廢

淨土庵

一在縣北二十里夏家巖一在縣北百二十五里中茅山

上封庵

在清照鄉縣北四十里龍潭古剎講經臺邑鄉賓方廣居施有山田

越致庵

離城北三十里

繆家坦庵

在皖山後院澗寨旁

眞一庵

上菱庵乃趙伯陽修養之所

存眞庵

在眞源山谷之間先生姓伊名居哲字仲廬陵人熙寧中結廬居此草衣木食操行清潔士大夫多與之遊

內翰李淑作記王原叔書隸法蒼古

下菱舍庵

五伯靈官殿

頤眞庵

在灣山之上舊爲趙伯陽眞人菱舍宋紹興間道士趙廷臣築室居之太守張公淵爲徙舊頤眞庵於此殿宇

參差殊爲高勝白玉嶺詩有云鑿開風月長生地養得煙霞不老身匡裕當年仙去後不知丹訣付何人

桃源庵

在下煉丹桃源洞下巖谷清奇近靈官祠

中煉丹庵

在中煉丹

上煉丹庵

在上煉丹佛光寺上五里

白衣庵

一在縣東關廟安廣居捐建一在縣南黃泥港一在縣北黃山下

飛來峯庵 在院公庵右 飛來峰下

皖公庵 在上煉丹右有呂少卿草堂左視傾盆峯右接麟角 峯四壁峭立其下乃瓊陽川也仙花異草四時不彫

簪簪坪庵 在上煉丹 上五里

牧羊庵 在鸚哥庵 左牧牛河

鸚哥庵 在佛光寺左有鸚哥石峯肖 鸚鵡石上有苔蘚皆綠色

相見庵 在佛光寺右相見灣 相傳兩祖師相見處

牛眠庵 在飛來峯下 有牛眠石

尼姑庵 縣東二 十五里

羊角庵 在牛眠庵下 有羊角石

皂角樹庵 在羊角 寺下

雙峯庵 有二一在清照鄉邑北十里後冲一在興 七離城五十里施主汪有田租十三石

延壽庵 一在玉照鄉邑東四十里係徐彭氏吳氏捐建有 田山一在清照鄉邑北百二十里置田一石六斗

白水庵 在清照鄉邑北二十 五里曰水灣吳家嶺

觀音庵 有三一在邑北二十五里楊柳灘河東一在邑 北八十里金龜山一在邑北百六十里橫河

法華庵 在清照鄉邑北 八十里查林河

塑牛庵 在清照鄉邑北三十里老鴉 山在清照鄉邑北三十里有鈎魚臺

祈永庵 在清照鄉邑北一百里大堂內王揚基碑云天堂祈永 庵創自萬歷四十四年為大司徒總漕陳公也地距縣

百里背湖嚮面霍界峻嶺尖峯形勝茂鬱風氣具在先是基址 僅茅舍數家陳公雅愛予叔見思不欲小試以材官給事置此 山巖田種佐予叔讀書玉其成則是山授受之因緣也予叔德 陳公久矣然此衷結於內殊難抒也若無所繼高誼微而難顯 乃捐山並田付周濟上人建刹住持祀陳公於其內而以公未 秋同時佐成者若大方伯劉公尚志大司寇宋公從而三公皆

予伯祖諱嘉柔進士同年庵主則又為祀予伯祖為檀越邑誌  
 庵成則名大方伯賓岳徐公曰祈永庵請於縣報司會修邑誌  
 載於藥賞以山香火之暨周登道人越期而功就焉山自鮑家灣  
 携徑而上前重佛堂為清靜禪舍不一歲龍相西房安諸尊者牌  
 由堂左階而升次重為蔬取景殊不一後山之欄枋更則擴充其  
 所為庫房兩旁菜園竹木蔬茹屬任人力之栽培也則山地  
 宅之勝物生之宜也庵始作請師慈雲坐方丈未幾而盤  
 學徒周亮復以其化骨歸本山仔肩時已建塔之幾而眾  
 而佛衣去者此碧山之網於其下則惟是爾瓦石之維新也  
 或完舊或創始又建小庵於其後孰非也初意傳心藉佛燈言  
 於是免如也潤色於前法非是僧孰是也然道紛甯甘龍遁象  
 其然乎孰是常住相是法非是僧孰是也然道紛甯甘龍遁象  
 創庵者在是而不在彼也或謂之曰予叔然道然甯甘龍遁象  
 如剖破藩籬接十方龍象之為廣大哉予叔然道然甯甘龍遁象  
 重合集廣無混雜者此可作是處一公案也矧今之崇祀小貞  
 吉有謹嚴無混雜者此可作是處一公案也矧今之崇祀小貞  
 非土將俗塵化為淨土同道者俾有初克美厥終其於厚風俗  
 山者將俗塵化為淨土同道者俾有初克美厥終其於厚風俗

勸人心豈曰小補之哉是可以無記乎陳公號楚石湖廣祈陽  
 人宋公號可泉山東平原人劉公號景孟邑人予叔世薦諱見  
 思道號副貢生也濟上人法號仰雲江西都昌人登道人法號  
 慈山歛人也癸亥歲予猶肄業於茲因捐田六石於其上亦繼  
 予叔為是庵廣護法也山靈有  
 緣不盡將來而往者記於此

**保眾庵** 邑馬顯驥原建於破越橋西庵前建有茶亭乾隆壬  
 午歲被洪水中心毀驥孫德淮德洋等移建於馬家棠

**住龍庵** 在清照鄉縣北  
 八十里埭口

**雲濟庵** 在清照鄉縣北  
 百二十里天堂

**公蓋庵** 在清照鄉縣北  
 五十里公蓋山下

**師姑庵** 在清照鄉縣北  
 八十里沙村

**白雲庵** 在清照鄉縣北  
 三十里公蓋山下

**證果庵** 城北四十里王星建置田五石及茶  
 園瞻僧迄今庵產歸地方財政局



迴龍庵 在清照鄉縣北八十里沙村

穿心庵 在清照鄉縣北一百四十里河南

妙道庵 在清照鄉縣北一百五十里臨濟道場

鏡子石庵 在清照鄉縣北一百五十里妙道山

四望庵 在清照鄉縣北一百二十里四望山兼太湖界即五龍庵康熙初年蔣勝祖建

鷄鳴庵 在清照鄉縣北四十里黃龕

楞頂庵 在清照鄉縣北一百二十里康熙初年蔣盛玉鼎建

天竺庵 有二一在清照鄉縣北一百六十里妙道山嶺

遷堰庵 在清照鄉縣北四十里克友像

普門庵 在清照鄉縣北五十里烏石山拱指天柱上有讓泉梅溪石龍峯孟山曲折幽邃堪與馬祖庵虎頭巖並稱勝境

騎龍庵 在佛光寺右一里一在興七菊花崗衆姓爲菊花娘娘建庵旁石上猶存昇仙時坐蹟足蹟大畜蹟

泉嚮庵 在清照鄉縣北五十里許山

子來庵 在清照鄉縣北五十里沙河山頂邑紳儲文煥捐建

如意庵 在清照鄉縣北五十里王家牌樓王襟台公捐施庵旁有虎踏石石有掌跡

地藏庵 在清照鄉縣北四十里嶽鄉縣西

大慈庵 在清照鄉縣北三十里車網坂邑庠余可宗捐田復建有準提像

朝陽庵 在清照鄉縣北一百三十里大吳山舊志已載一在清照鄉縣北一百三十里光緒五年重建

來雲庵 在清照鄉縣北三十里仙姑殿

靈隱庵 在清照鄉縣北四十里朱家冲相傳元時靈隱祖師登跡肇基

永興庵 在清照鄉縣北三十里鹿角尖南朱遠照捐建今廢

曇花庵 在玉照鄉縣東三十里鹿角尖

晴雪庵 在天柱晴雪下僧妙恒建

圓通庵 邑北六十里福鼓石僧明虛建乾隆間里人歸孝念捐田山一契為香火之資以垂久遠

準提庵 在玉照鄉縣北三十里鹿角尖下新建

龍華庵 在玉照鄉縣東三十里天明山

灑珠庵 在縣北三十里大吳山今廢

萬松庵 在玉照鄉邑東三十里續遭兵燹經操存汪俊余敦崇捐資倡募改建三元局經邑侯周出示保護在案

慈雲庵 在玉照鄉

永靈庵 在邑南二里

法華庵 有二在邑北六一里東堡一在邑北龍山

老庵 縣北六十里東堡

新庵 縣北六十里東堡又一在縣北龍山

留玉庵 即灑珠庵在玉照鄉縣東三十里長冲珠琳巖

藥師庵 在縣北一百一十里龍山北山之陽

西峯庵 在縣北一百一十里龍山上坂

茶庵 縣北六十里龍井關

騎獅庵 在玉照鄉縣東八十里騎獅殿

從佛庵 縣北六十里龍井關山頂

竹隱庵 縣東北六十里槎水坂儲桂氏捐建大吳寺僧西成住此重修

滴水庵 在玉照鄉縣東一百里滴水岬

佛子庵

邑北四十里塌水坂生員徐有喬建捐田種五石前志誤佛為福

高椅庵

在玉照鄉縣東一百里鷺鶯塘河一

千株庵

在玉照鄉縣北六十里大水河院張朝珍捐貲建庵前後三進

寶月庵

在蟠山順治乙未邑令鄭通元為澹石大拱禪師建懷庠生劉前彬瀟庠生謝光旭共施田六石有奇

及第庵

在玉照鄉東北十五里副總兵金抱一鼎建供愚谷賢禪師開堂說法

福緣庵

前志載西鄉羅家莊今無此庵

龍隱庵

在玉照鄉縣北六十里相傳西峰禪師於天山修煉初畜一黑犬後化為龍隱身滅跡如此

仰天庵

縣西二十五里

天竺庵

清照鄉縣西四十里

護國庵

有二一在縣北七十里林家坂山一在縣北七十里林家坂

顯化庵

在清照鄉縣西七十里埭口河順治間建

萬福庵

縣西七十里煙煤嶺梅姓建立

來月庵

在清照鄉縣西北一百里閔家山

齊雲庵

縣北五十里皖公峯下全真道人字絃子修煉於此休邑金商建

梅熟庵

邑西八十里上新田嶺

焦龍庵

邑西一百二十里馬雲臺施建並有田山王姓亦捐有田山

王家庵

北鄉天堂康熙廿六年建乾隆四十五年住持僧清池募修

衍慶庵

在邑東徐家漕

聞一庵

在祠堂廢洪水冲廢

善慶庵

咸豐間遭兵燹庵倒塌續經興四五紳民募貲重修

梅庵 在邑東興  
三今廢

結緣庵 與七鷺鷺崗離城五十里  
山主候選同知李太裕

陳嶺庵 邑北湖嚮儲胡  
楊沈四姓捐修

華嚴庵 正信三甲儲  
明甫捐修

馬口庵 邑北天堂  
馬口嶺

榆均嶺觀音庵 民國七  
年建

甘露庵 邑北天堂  
黃沙嶺

茶園庵 邑北天堂  
望家嶺

文峯庵 在清照鄉邑西五十五  
里黃龕隨庵置有義山

龍潭庵 邑西錫杖河王應  
佑公捐施今址存

來石庵 邑西八十里王  
嘉都公捐施

萬法庵 邑西八十里王應祈公捐  
施咸豐間被毀基址了然

接雲庵 邑西一百三十里  
松尖嶺吳朝鳳建

普濟庵 邑西百二十里余沈柳三姓建各捐田山永  
遠燒茶濟渴額曰普濟茶室菴右有涼亭

義忍庵 邑西清照鄉張家坂距城七十五里施主周  
樹超周瑞珍民國七年張紹良捐貲倡修

九華庵 邑西百里  
菖蒲潭

蔭龍庵 邑西張廠坂嘉  
慶年間創建

太平庵 有二一在縣西三十五里濞嶽鄉鐵冶  
沖一在縣西七十里清照鄉龍井河

曉渡庵 始由黃胡周三姓捐建以後均為和義里上  
五甲捐欸修理在縣西二十里吳塘堰旁

痘姆庵 城西十五里始由葉姓施建繼由庵僧募化地  
方捐置庵產迄今仍由地方公招僧人居住

淨土庵 在中塔莊距城十五里

翠雲庵 縣北距城七里有田種六石係王止泓公捐

善繼庵 城北周尙賢公裔移建於庵後之張西嶺冲圯

會龍庵 城西八里清乾隆初由壽浩提倡集款創建續有彭廷鏞廷鐸共捐柏枝墩田種一石二斗永為香火之資

大士庵 縣南二十五里被兵燹毀塌至今遺跡猶存

鐵鎖塘庵 縣南十五里

古桑樹庵 縣南十八里

雷家庵 在縣南三里

楊柳庵 原名淨土庵在玉熙鄉東北百二十里栗園前清康熙年間宋士貞劉必達等同建並置祀田八斗

祇樹庵 甲內居民捐建庵旁有樹一株曰祇樹高百尺圍二丈風烈而幹不動歲寒而葉不彫庵居其東故名之

樂善庵 在玉熙鄉水坂縣北六里光緒年間眾姓捐建

松鶴庵 縣北一百三十三里庵基山

永言庵 縣北一百二十里上五河建自清初相傳明崇禎四太子出家處墓在庵前庵名永言以寄不忘孝思之意

竹陰庵 縣北一百五十五里橫河

旗峯庵 縣北一百六十里馬園寨之西關外三里庵旁有巨石四一如篙一如船一如箱有鎖有匙一如白容升餘

鉢盂庵 縣北一百五十五里一名師姑庵

如來庵 在縣北鄉上清距城一百八十里公存田鍾四石正

橫山庵 在北鄉上清距城一百七十里公存田種六石正

古井庵 縣西南二十里方家鋪四區現設庵內

三義庵 縣北三里距城三里

茅庵

邑西二十里殷家坑有田種貳石山境甚廣清胡程劉張馬五姓捐置有碑

龍華新庵

在興九亭子河原為亭橋公所儲浩十公捐基宣統三年甲紳倡募修建此庵

金龍庵

縣東北十八里烏石壩內有龍王神位乾隆二十一年建

永豐庵

縣北八十里無愁元末陳姓捐建

普陀庵

縣北六十五里林家坂

亮竹庵

縣北一百二十里藹潭河老石巖山麓中邑人汪崇富施建

石壁庵

縣北龍山距城百餘里劉廷鳳碑記云石壁庵在縣北龍山依巖石結構得名竹樹鬱鬱俯瞰平疇遐矚羣

峰天然勝境也清乾隆時里人醜資結會建庵崇祀關帝環庵

周數里田塲皆庵產也歲時祀事會友畢集饗極驩里

人或結伴讀書其中咸樂而不肯去蓋百餘年來三十餘戶大辛亥

均變衆乃惑於浮言毀神而售其產會友存者三十餘戶大辛亥

鄉君過此遂判以八股應有產業并庵屋而保存之適縣知事

由是庵之傾側者葺之敝者飾而新之中為殿以奉關帝左為

觀音堂前為客堂及香火住居之所廡漏俱備煥然改觀焉

帝之祀備於民間由來舊矣民國祀典尤隆今是庵重興於將

廢之餘願吾二姓子孫善承先志守而勿墜是則所厚望也爰

記其略於石

法華庵

在縣北龍山

裕後庵

在縣北龍山卸袞巖上汪元鉅之媳吳氏所建也夫早歿遺腹數月慶得男嗣續以延故名裕後

慈航庵

一名茅庵在縣南二十五里

迎水庵

在縣北又信六甲築壇坂口迎水建庵民國七年屠民於庵旁捐建石惜字亭立如浮屠知事吳蘭生題蒼

聖靈光石額里人劉風南題

山高水長四字鐫諸亭柱

黃石庵

在官莊黃石嶺明萬歷時宋文龍余必驩創捐建造民國八年復由宋文龍公裔在嶺東加建新菴

柳林庵

建近年省議員劉風南倡邀余施倪各姓從新修整



於中宮嘗被詔總其事且以爲請日可御書與新號未有記焉  
於閣以鎮外承命震恐遜避靡違乃述所聞爲之記故前叙不  
道位卑跡外承命震恐遜避靡違乃述所聞爲之記故前叙不  
奉之因而終序審主立教明道以化物品物流形融結山岳爲  
謹拜手稽首而爲頌曰天地奠位玉清分職實爲窮旻根絕坤  
尊惟茲五岳作鎮中土居之曰神維何玉清分職實爲窮旻根絕坤  
維爰開洞府省神聖受命億兆歸仁力隅大定惟神敷祐感應  
出慶流帝衍來臨法宮申賜無疆景命有僕既答洪釐以介景  
通龍駕帝服來臨法宮申賜無疆景命有僕既答洪釐以介景  
福爰正徽號載飾真域宸翰昭煥帝載緝熙普世道交與眞人  
歷垂衣崑廊化行絕域皇道炳煥式崇丕構凡生虔奉百觀延  
奔夷乃眷琳宮肇基維斤役不淹時大克就崇邱壑列仙垂  
裴瑤池煥采化雍環侍累聖同道舊物維新百神文職以莫不  
佩中拱上靈肅雍環侍累聖同道舊物維新百神文職以莫不  
寧真源長慶基其萬物之生皆受命于天至自形自色  
千六百年張昌作記曰萬物之生皆受命于天至自形自色  
或天壽與夫貴賤之殊其來尚矣道書言司命天神也主  
之書太宗伯以懋燎祀司命其來尚矣道書言司命天神也主

治在舒之瀟山山有司命峯在天柱山之南高寒獨秀衆山環  
拱麟角三峰峻絕於後龍淵九井流注於前李白詩奇峯出鶴  
雲秀水含秀氣正此景中句也爰有白鹿示祥靈場肇建元鶴  
飛鳴眞鏡有開是誠上聖之清都列仙之洞府漢武帝唐明皇  
築壇而望或立廟而祀蠲免租稅以資香火曰司命廟丹霞府  
逮我聖朝立觀額曰靈仙觀置奉祀官二員歲建十節道場  
冕圭寫龍投自內府御香清詞宸翰封扎珠笈環函頒榮藏之  
玉簡金龍製詩云慶源發從前旨依舊免租稅差使祥符中  
眞宗皇帝製詩云慶源發從前旨依舊免租稅差使祥符中  
降聖開基之因也大觀中又降旨照淳化已得指揮依舊蠲免  
租稅永克修葺屋宇供應香火政和中頒給建炎兵火延壽宮  
書殿榜曰慶基之殿列聖欽崇彌加嚴肅自建炎兵火延壽宮  
宇閱七年郡守周方文始命本宮重建慶基殿知宮道士馬靈  
護實董營建繼而今知宮道士曹勤與衆道流同心協力以  
所免租稅之積增修殿前架並兩廊修觀瞻莫不讚仰以爲  
堂客館悉皆序醮供具煥然一新遠修觀瞻莫不讚仰以爲  
規模宏偉過于昔是由仙都聖跡興建有時不泯沒于荒山  
窮谷抑以知神祝拱佑皇祚中興光啟于無窮也昌政和中先  
父爲奉祠官因得數至宮宇遍瞻祠庭詳閱刻自漢唐至今  
載在簡册勒于碑礪者寔皆可信如玉皇之宸居次以應元保



運紫極之叢香列以太一四聖儲福之命翼于左長生保命華  
 于右純嘏奉徽宗皇帝之元命寶閣儲藏累朝曰五雲重樓曰金  
 門曰金闕所見各景趣朝真館不復存若甘露降于喬松神  
 軒曰金闕所見各景趣朝真館不復存若甘露降于喬松神  
 光發于丹深林幽谷隱居野處畊雲釣月採香種藥以自佚者  
 尚時見之天池風井詩崖酒島崑曰水晶洞曰桃源老子說經  
 之處葛洪煉丹之井左慈之求芝與夫魯肅李曰華誠輩或然  
 新讀書或却粒學道歷可考仰惟聖代慶基則承休之意亦  
 文于玉照諸朝寅奉久而益恭其名真源慶基則承休之意亦  
 曰奕奕凡我臣庶孰敢不虔昌游官十餘年既歸見其修造不  
 輟奕奕凡我臣庶孰敢不虔昌游官十餘年既歸見其修造不  
 毀于兵火元至正間安慶大旱余忠宣詣此祈雨大明洪武重  
 賜額明末寇焚僅存東嶽府三間清康熙間復建大殿羽士周  
 道人修煉于此  
**天祚宮** 俗名後宮在真源宮右五里宋開寶九年現為金龍土  
 陳若清居此至崇甯中被召賜醮神殿侍宸始賜名天休觀致  
 和二年賜錢鼎建備極崇奉宣和二年改作天祚宮御書其傍

府志云天祚宮有門曰洞天井曰九龍泉二日梁公曰飛龍亭  
 二日瀑布日噴雪尚書陸珩詠云滄山美景十一峯我來無處  
 覓仙踪黃龍帶雨畊瑤草白鶴迎風唳碧空  
 眼底樓臺千丈遠望中花木四時同宮久廢

觀

**元妙觀** 在縣治東明洪武年間建為司命真君行祠明末寇焚今重建三官殿

**報恩觀** 在清照鄉縣北八十里水車坂

**通真觀** 在清照鄉縣北一百里天堂舊管坂一

**白石觀** 縣西二十五里乾隆年間創

**文昌宮** 有二一在縣內副東街附設國民學校一在縣西南三十八里監生傅沐等捐建

祠

**五嶽祠** 在真源宮左漢武帝建祀秦嵩恒華及濬至明時燎亭猶存明末寇焚

司命真君祠

其在真源宮內唐開元十九年明皇因白鹿見遂於  
 也總真仙之僊載生靈修短掌鬼錄下版圖頃元宗御宇大無  
 五岳六曹悉皆取則地官從事領天下版圖頃元宗御宇大無  
 生人猶慮疾疫天傷以致中官王越賓道士鄧紫虛資內庫  
 山以天寶九年春三月遣中官王越賓道士鄧紫虛資內庫  
 帛創置祠宇事資勝於高岡領徒就之遂得其地而資事  
 香誠請越有白鹿見於高岡領徒就之遂得其地而資事  
 土絮瓶悉資山下石磴盤出初或勦人無侍暮山秋夜層  
 脈工不告勞事亦集矣真君設像使者儼侍暮山秋夜層  
 聲息旨抽精修道士二人廟戶三人焚香酒掃明年夏五月  
 洞元先生諫議大夫李抱樸與中使道士送御額齊慶焉  
 紛郁二時花歷亂一城僚吏四月也籠燈煌煌如燎原爐火  
 七起霧棟白鶴展下舞絳節來儀未嘗無此應後二載先君  
 若光繞棟白鶴展下舞絳節來儀未嘗無此應後二載先君  
 震守此郡年穀大稔特降中使王越賓非致時祭紫雲閣居  
 覆仙垓天樂有聲下聞人境泊祿山初陷京洛道衆李閑居  
 獨虔禮調鐘磬自鳴凡此靈應難乎備載也我明牧司封郎  
 中

拜郎官方之黃獨召益臣矣以禪門三祖證道西峯抗表以  
 天賜徽號抽毫紀事以載豐碑而洞府真君掌吳東嶺立祠歲  
 久應見為多不有君列兮使者并青牛白鹿有時見步虛  
 府辟兮仙垓清真君列兮使者并青牛白鹿有時見步虛  
 常時鳴松森森兮平殿沈沈兮化公綽作記曰司命天君  
 降福綏蒼生熙寧八年賜司命冕服朱公綽作記曰司命天君  
 宗神也道家者流以爲主治于山川然考之周禮大宗伯以  
 禋燎祀司中司命風師雨師說者以司命爲星下臨洞府以  
 日製臺又總領真司靈威變化執可窺識蓋爲三代之所嚴  
 祀而不獨出于神心保佑本朝受于神明陰有輔相也錫符  
 神宗之太平蓋天心崇于帝號殿閣麗典禮隆重祀設醮之  
 飾於靈宮真廟欽上遙成先烈鼎新百歲嚴禋祀設醮之  
 意而祈福也方聖上遙成先烈鼎新百歲嚴禋祀設醮之  
 率循故事先是大帝建禮衣自章帝封禪後一年所獻迄  
 六載久未改作守臣建禮衣自章帝封禪後一年所獻迄  
 士張歸澄請於京師受藏至郡凡二十有一事竟冕前  
 旒珥簪鞋纒請於京師受藏至郡凡二十有一事竟冕前  
 龍韞綵綬玉環大帶革帶青抹絳帛瑤佩寶劍朱襪赤  
 之章也粵歲在乙卯孟陬之月望日戊申公綽親詣祠下釋  
 身

服新道瞻觀莫不鼓舞於山川徧于羣神周家之盛懷柔百神  
大舜之治禋于六宗望於山川徧于羣神周家之盛懷柔百神  
及河岳何哉王天下者既恭五事而成庶草蕃燕此非吾力之  
不致也若夫陰陽和風雨時百谷用成庶草蕃燕此非吾力之  
所報而秩祭祀也况稱司命典禮所尊開福履之盛未嘗不嚴  
禮焉惟聖人能昭高子希惟天帝能保佑于德錫以百福永保  
無疆在于清躬則為康甯為萬壽黃髮秀眉齟齬台背及于天  
下則為休徵為豐年慶雲景風甘露醴泉致神宗不丕基與濳  
岳比隆此微臣之願也道正衛黃演請以奏葉刻之山中以見  
經始崇奉之詳辯  
而系之用識其事

忠節祠

今廢

節孝祠

今廢僅北門內敝屋數間租人居住

土地祠

有四一在東關廟一在縣署東一在新南門外刻有石神像

廟

五顯廟

十一在濰岳鄉求芝寺旁一在玉照鄉

護地廟

野有二一在縣東北六里即護地大王之廟王姓劉淮西

三廟

廟祀之在縣北七年里翠雲菴旁光緒二年創建

里仁廟

七在縣北二十

周老相公廟

在清照鄉縣北

吳龍王廟

在清照鄉縣北

騰雲廟

在清照鄉縣北

周瑜廟

在縣治南一里廟廢碑址存

周將軍廟

郡守周必正記曰昔蘇文忠公有言西漢之士尚風節短於權略兼之者三國之名臣也將軍生於興平

建安間方曹操虎視中原挾天子以征四方精地廣豪傑畢  
用劉備一世之雄系出漢家輔以諸葛三代之兵佐關張萬人之  
敵獨將軍出於東吳無尺寸之援奮然為孫氏心膂使強鄰  
從容經度摧曹操於烏林走曹仁於郢中內撫外禦使強鄰  
睨而不得逞遂成鼎足之勢斯名臣之尤著者觀其推大宅以  
舍孫策察袁術無成而去之盡散所事委心尚賢其雄資英略  
雅量高致又非特人能兼東漢自丹陽孫蓋春秋以後不多得  
按吳志將軍廬舒人漢末自丹陽孫蓋春秋以後不多得  
二喬時年二十四矣自道遠殁里人難謀為立祠至今奉之如  
並海內而天不假年風烈詢五代時刺史周挺購地荒園中蓋  
必正來守茲土遐想興廢則廟宇得於州城之荒園中蓋  
年所締造者暨考其興廢則廟宇得於州城之荒園中蓋  
騎省徐鉉為之記中藤擾葉凋廢遂致夜夢人告今廟是也  
風雨不庇廟像不立藤擾葉凋廢遂致夜夢人告今廟是也  
氏所當為者乃以癸卯十月築宮刻像而祀之且繪其成於壁  
父老顧瞻相謂曰彼願昂楊上精彩昭人者非吾邦之所謂民  
郎南唐之雲祈耶非周郎君相代之裔青耶是新廟集官僚而  
合樂而落之者又非周郎君相代之裔青耶是新廟集官僚而  
臣親其族而無墜祀之命舒人守之庶幾一廟存而忠孝立  
可為紀乎乃刻石書之竝命舒人守之庶幾一廟存而忠孝立

宋淳熙十一年三月丁未

汪洋廟 有三十一在清照鄉縣北八十里夾竹山一在堯年鄉二十里赤天湖

斗塘廟 在玉照鄉縣東北三里

堆金廟 在灣嶽鄉縣南十五里長林山

龍王廟 在灣嶽鄉縣南十五里古城山

青龍廟 在灣嶽鄉縣西十五里

七陽廟 在灣嶽鄉縣西十五里

蓉城廟 在水吼嶺下街陳太春等同建

關聖廟 城北五十里水吼嶺下鎮旁有相公殿大王殿

余公廟 一在隆興庄距城八里

廣陽廟 在濰嶽鄉縣西十五里

大王廟 在濰嶽鄉縣西南四十里黃泥港

關聖廟 縣東北六十里棧水坂衆姓公建

鳴山廟 在堯年鄉縣南三十里車棚坂

宮莊廟 在堯年鄉縣南二十里鳴湖洲同治八年洪水冲塌

聖帝廟 在清照鄉縣西北石龕

西峯廟 在清照鄉縣北三十里天柱山

崔公府主廟 在清照鄉縣北四十里排衙寨

將軍廟 縣東北七里今廢惟存遺址神像移入護地廟內

老相公廟 縣東北十二里川心壩即周老相公之廟

新相公廟 縣東十五里立光緒二十五年

柴閣廟 縣東二十里一里玉照鄉即唐太宗功臣柴紹之廟也明季寇亂土人賴公保護立廟祀之

大王廟 在縣東鄉六都坂距城二十五里

藥王廟 在城隍廟內

火神廟 在玉照鄉距城二里崩河左畔

關岳廟 在玉照鄉距城十八里護庇壩東清光緒戊子徐斗楠建南等糾衆同建並置產業以隆祀典

大土地廟 在玉照鄉一曰普渡庵距城十五里洙流河東民國丁巳里人復建前殿合祀關岳

太平境廟 在玉照鄉一曰白廟距城二十里

楓樹廟 在邑東興九距城三十里廟內樹大數圍

赤帝廟 邑東余家井鎮民國七年程敬業等倡募重修傍有水月禪林法相莊嚴規模宏敞

相公廟 邑東汪家洲 距城十五里

華公廟 縣西北九十里 溪沸灘

龍王廟 縣北八十里 劉家 坑清嘉慶間創

藥王廟 縣北一百三十里 舊營坂

劉大仙廟 縣北一百三十里 舊營坂

靜慧仙姑廟 縣北二十里 天堂平岡

黃公廟 有二一在縣北五十里 水吼嶺 上在縣北六十里 橫河

廣福廟 在清照鄉 縣西五十里 駕霧山麓下 山西嶺

七社廟 邑西北清慎里 毛坎坂 香爐尖屋宇朽壞 猶存

李公太尉廟 邑西又貞六甲 余家河龍潭口 相傳太尉 係余忠宣公同時 殉節宿將 殆不可考

輔主廟 邑西八十里 下新田

蓮花廟 縣西十五里 蓮花塘 李姓有 婦陳氏持齋得道 因建此廟

仙姑廟 城南三里 清宣統元年修

社稷廟 城南三里 清嘉慶十五年修

汪公廟 有二一在縣南十五里 一在 玉照鄉 邑東北百二十里 戈源

楊泗廟 縣西南四十里 黃泥港 鎮

百醫廟 縣南二十五里 老勘頭 遠近牲畜 病疫禱之即愈 人稱百醫相公

大士廟 在袁家渡 河南桑疋岩

清潭廟 今名興隆 菴王氏所建 涇民黃捐梨樹 嶺山田八石 供 香燈施茶費 僧復禪蕩廢 將田典寄紳士 王氏承鳳稟

縣責遂捐銀將田贖回 另請戒僧省院住持 致廢功德 以垂不朽 並請厲禁廟僧 永不得私典私頂 致廢功德

華王廟 在邑北官庄之黃石嶺供華陀像

籠床石廟 在北鄉魏嶺路旁屋兩楹後倚石壁

方娘娘廟 縣南二十三里余公廟東

浮屠

西門塔 在同安坊晉咸淳建下有寺元末寺及塔頂為紅巾賊燬明萬歷乙卯方伯徐堯莘為係本縣六秀才重修下

建昆盧閣崇禎丁卯大風折頂墜湖中

太平塔 在縣北三里宋佛鑑禪師道場晉咸和間創

文峰塔 在縣南萬儒學文筆創于廷采為儒學文筆創

覺寂塔 在山谷寺內唐代宗七年為三祖璨建武宗會昌間毀宣宗大中初復置塔外旋中空出入相制與他塔異躡處石半銷蓋自唐天寶及今殆千餘年苔莓不茁鳥雀不棲俗傳歲有龍來洗塔則雷電晦冥腥風撲鼻今人恐怖按

躡處石半銷蓋自唐天寶及今殆千餘年苔莓不茁鳥雀不棲俗傳歲有龍來洗塔則雷電晦冥腥風撲鼻今人恐怖按

塔既云毀于會昌後雷于大中則云天寶及今似誤

立化塔 在三祖寺內璨師化身處有小塔上有立化亭

七佛塔 在山谷寺門外有七塔為寶公建

後山塔 在後山寺

資福塔 在資福寺

三障塔 在西竺寺塔歪指東

崇慧塔 在天柱寺前塔嶺

元尊宿塔 元白可尊宿涅槃巡撫張建塔于天柱寺鼎新殿宇一時稱盛云

大聖塔 在龍山中坂周圍墩圍三塔百餘步按即舊志龍山塔

殿

純嘏殿

有真源宮宋建朝奉昭受命之符河圖洛書自古帝王之興必  
 記之明矣基運所啟有開必先乃若帝夢協吉天書示祥神  
 降于宮新受秘語知帝胄發之自則未有如我宋之祥興  
 也洪惟真宗皇帝昭受景祐乃命舒州崇德靈仙祠以奉聖祖  
 復念設醮瀆山文符瑞石乃命札達茲州崇德靈仙祠以奉聖祖  
 祀罔敢弗恭臨御青祠躬自封延穆清聖祖殿曰慶基殿  
 以天下與議公願請立崇寧萬壽宮聖祖殿曰慶基殿  
 日甘露降于宮門松竹零瀝如飾密守臣傑表請依節鎮  
 之例建皇帝本命殿制可其奏乃相度材得爽壇于玉皇  
 之西左平右城門庶端序屹然崇觀不勞于此乎應天而成  
 免租賦故曰土木丹雘不增華洞天增貴于此乎應天而成  
 成請名卜曰純嘏實額增華洞天增貴于此乎應天而成  
 休于職祠事使何推原本初載之金石臣謹拜手稽首而為  
 戮實職祠事使何推原本初載之金石臣謹拜手稽首而為

慶基殿

真源宮宋建一名聖  
 祖殿宋真宗有記

仙姑殿

在玉照鄉縣北  
 三十里今廢

臺

高奔臺

在真觀伊先  
 生朝日月所

講經臺

在龍潭山商時錫則子乘龍為湯講經于此突高五丈  
 遂建老君殿真源宮舊錄云在龍堂院上相傳即今祭

臺注彥中為之記詞曰濬山勝概甲天下降巒巒皆秀品谷幽  
 選真瑤臺金闕高真降集之所也仙跡聖境照輝古今而龍  
 堂院乃太上老君化身降號錫則子說長生經之自闡揚道  
 奧啟迪天下後世以佑商邦事載于道藏經白自古立殿堂  
 聖像世所瞻禮南則有真源宮司命大帝所都介于其中寢  
 北聖天祚宮飛龍泉井司真洞天也說經之殿介于其中寢  
 歷歲久更以兵革頽毀湮沒通乎神明因朝拜真源天祚道  
 循良蜚聲遠邇且志誠正直通乎神明因朝拜真源天祚道  
 經臺下父老來告曰此乃湯王時太上老君說長生經之殿  
 公聞其言遂登故基睥睨規模自輸奉金光大之建殿之菴  
 字命工塑像忽夜夢三人神告於廷曰吾乃正神富正其精  
 之所嚮翌日果匠者捧像來獻契所夢公益加崇奉專其精



祀事以正月初三日集道衆迎版于殿設醮奉安選真源宮  
戒行道士董師先以奉香火邦之賢士大夫鄉耆父老咸瞻  
禮于殿下以慶觀數千年之真跡一旦發新之決非偶然屬  
彥中記其事彥中嘗觀熙寧間太上卿吳公審禮題真源宮  
詩云錫則授經湯武帝上靈垂佑宋朝隆之仰惟方今聖  
君賢相咸有一德克享天心光輔中興萬世丕丕之基茲非  
天佑遠邁有商而託賢太守李公發新盛  
事以昭示於無窮乎紹興辛未上元日題

堂

雲會堂

元在真源官宋寧宗慶  
元五年建延方外士

左真人仙堂

白在真源宮唐寶應二年建唐開成五年進士張虛  
白記詞曰真人旌本羣舒仙隱於濤岳代族名蹟

具詳碑文開元中玄宗皇帝欽崇大道凡在海內山岳古之  
仙隱咸至禋祀天寶末凶逆攘動中原名山仙宇半爲丘墟  
寶應二年濤南祠祭使元洞先生諫議大夫李抱樸真人築  
壇于濤岳南岡徵德行道士時修醮禮蓋遵真人之道也山  
崑峭嶮年所開或戊午歲燧陽鄭公穀白水漕中郎出爲舒  
迷遠嶮年所開或戊午歲燧陽鄭公穀白水漕中郎出爲舒

太守敦黃老素風以清靜自化嘗因水旱小郎診必齋戒告  
于山川之祠其徵靈如言衡應五年秋齊楚海隅蟲蝗爲災  
將及舒境吏馳告于公聞之瞿然夙興禱于公曰蝗雖旋退  
九天祠真人壇以展禮守疆域者又馳告于公曰蝗雖旋退  
飛于他邑矣不可勝食于我稼穡復與雷風電斥逐不登我  
之盛禾稼美如雲實由我使君兩廊屋壁有真人圖像不詳  
可移于災祥先是司命真君祠兩廊屋壁有真人圖像不詳  
年命畫工施丹青飾真人之儀形于之日謂道士尹綸曰余  
欲命畫工施丹青飾真人之儀形于之日謂道士尹綸曰余  
僕知真人壇宇燕沒于此山廊燕之前將圖永久一室召工  
塑立真人于斯爲我皇牧祈福之所又建中初太守博陵崔  
公爲真人立碑在廟西隅塵埃日侵籀篆訛闕業仙之博覽  
者墮淚欲移置仙堂無形且爲之強名真人晦跡豈異乎今  
謂尹氏曰夫至道無形且爲之強名真人晦跡豈異乎今  
嘆真人闔厄魏主遭壇必俟乎碑矣且俟乎堂矣有鄭日  
比夫麟鳳龜龍爲祥瑞壇必俟乎碑矣且俟乎堂矣有鄭日  
賢以相望微三賢其孰能發揚我真人之光歲十月功  
備尹氏乃曰我太守仁德化動天白下有偏述俾余題焉白

既詳其實故直書不文時  
唐開成五年五月三日記

### 亭

達靡亭

山谷寺後最高處太守  
吳荅溪乃翁立有石碑

信心亭

在達摩亭後有  
霖雨蒼生碑

立化亭

塔下三祖  
璨化身處

傅衣亭

立化亭下少  
尹李新橋建

望皖亭

在縣北  
三十里

翠虛亭

在天香  
臺上

伍雲亭

有徐俯詩  
見藝文

### 教堂

天主堂

法國建立一在城內後東街男教堂在江西會館左女  
教堂在三官塘東一在縣西南四十里黃泥港鎮旁金

家灣一在縣南三十里  
王家河鎮旁石家山

聖公會

美國建立一在城內副東街仙人掌  
旁一在縣西南四十里黃泥港鎮旁

按教堂之設本勸人為善之意載在條約信教自由不容歧  
視而民教相猜多由誤會而起濶邑教堂執事人大都能恪  
守教規以故相安無事茲為永杜猜疑計用特取約章成案  
之最切要者抄錄數則俾得家喻戶曉焉

### 附抄通行傳教諭單

照得咸豐八年天津議定法國條約第十三款內載凡中國

人願信崇天主教而循規蹈矩者毫無查禁皆免懲治又載向來所有或寫或刻奉禁天主教各明文無論何處概行寬免各等語除按照和約業經行知各省督撫將八年十年所定各款一體徧行張貼外又於本年十一月初二日恭奉諭旨嗣後各該地方官於凡交涉習教事件務須查明根由持平辦理如習教者果係安分守己謹飭自愛則同係中國赤子自應與不習教者一體撫字不必因習教而有所刻求各該地方官務須事事公平分別辦理以示撫綏良善之至意等因欽此惟此事雖已屢次通行各省督撫遵照辦理然各省中不協情事仍復層見疊出屢據習教者具呈申訴惟其

其不協之由皆因習教者不欲如往年派攤各項迎神賽會演戲燒香諸冗費據云此等事件與伊無涉故不應勉強照攤而各該地方官暨不習教民人必欲伊等一律攤派是以時起爭端本爵合再備文知會各省俾知上意及本衙門所議庶各省得有一定遵循不致臨事疑慮用能仰體皇上一視同仁之意於習教不習教者無不愛如赤子且天主教原以勸人行善爲本其大旨與儒釋道同是以康熙年間曾經准行然伊等亦不能因係教民遂欲倖免各項公費如有差徭及一切有益等項亦應照不習教者一律應差攤派惟迎神演戲賽會燒香等事與伊等無涉永遠不得勒攤勒派至

地方官若遇有上二項合派之事必須實按直道分割不得曲爲牽混比如所派內計公費四成冗費六成卽應指明習教人止攤四成其餘六成與伊等無涉永免勒出又若因習教人不肯攤與教規相反之無益各費致被不習教人凌辱毆打並搶掠什物焚毀田禾等情該地方官必應爲之澈底根究按律嚴懲其搶掠焚毀各物亦卽責令照數賠償務歸平允再業經與法國酌定傳教士並非官員故不能干預一切別項公私事件保護習教人等然伊等均係端方之士在伊本國皆爲人所敬重其本意原係勸人爲善况現在中國與法國誠心友睦自應格外厚待以敦契誼以後如有傳教

士用稟呈赴該地方官若確係理直之事必應立即秉公辦理不可稍有苛求以上各節除業經通行知照各省外爲此發給諭單俾得家喻戶曉勿須遷就以期遏爭端而安善良

同治元年正月

教士買地建堂契內應載明賣作本地天主教堂公產

總理衙門咨查內地建堂由來已久但傳教士究係外人如買地建堂其賣契內只可載明賣作本處天主教堂公產字樣若係洋人在內地置買私產與條約不合仍應禁止此後如有教士在內地買地建作教堂公產卽照咨內事理妥細

查明辦理勿任淆混

同治四年二月

志源

李序 序首缺一頁

是安得先代掌故是考起皖大夫漢唐宋諸君子之靈而問之乎昔宣尼志在春秋紫陽軍南康首事志編誰長斯土而聽此中之湮沒不傳荒昧難考者可勝嘆哉然兵氛大劫水旱灾眚唯濳爲甚而典型淪邈故老凋殘亦唯濳爲甚今有搦董左之管具遷固之才韓柳歐曾之文藻而無救於今日之瘡痍廢墜吾終不以彼易此也乃鄭令宰濳之三年百廢具修民用不變山無梗化野無積逋政成手一帙質予則志草也不獨疆域戶口禮俗徭役與卓循孝烈幽貞隱逸之事指掌列眉並數十年

海田變革星野灾祥勝國偷名頑民走挺爲他郡外邑所不及志者犁然成一書授諸剞劂因以見鄭令簿書錢穀之暇留心文獻刀劍烽火之濳漸爲典章文物之濳也予不佞擒王掃穴以後武事備而文教興其戡夷芟定生養教訓之意有不同於他縣云爾於是乎序時順治十年歲癸己季冬穀旦 欽命提督操江兼管巡撫安徽寧池太廣仍管光固蘄黃廣德湖口等處地方軍務兵部右侍郎兼都察院右副都御史遼陽季日芑識

藍序

考邑之有乘儼國之有史也經緯之辨與其辨沈浮之殊與其殊自非精雅通瞻烏哉乎彬彬也夫天雲捧瑞異秩流峙建置異勝今古春秋異變人物異紀風俗異通雄長秀摯異齊野女田夫屬禮洞義異性逸人騷士副規中矩異情而悉焉璧植悉焉星羅于焉擘華食實稟經以正式酌雅以賦言俾後來司牧者閱代年而知治晰風土而知宜觀生得衣教之原食貨謹流通之數與爲升降與爲消息如示掌列眉焉豈不洋洋賢哲間哉昔先司寇公曾宰此邦平水靜人以民爲德雖厥後續用不張而厥聲實自濳始迄今濳之民懷德溯澤猶津津稱說不衰云予生也晚不獲聞諸掌故而幸以備職西清視土此方過郡望邑四舍邇止竟不獲一遊覽於其間則意夫濳嶽東蟠天池

北注忠愛燕省之堂清照玉照之鄉民中之譽髦幾何編氓幾何是皆先司寇所嘗憑臨坐治生聚而薰陶者而業已歲遠人湮維睹犁然一編知有令君某生而載之歿且思焉有如此數行者良弗易也予蓋來自宛陵星源望雲民懷秉懿而過此復有同情愈信人之古處靡可彌忘不益深我桐鄉之慕乎長邑鄭令手所編志向予丐言予紬對之暇緬其風流挹其梗概而因地懷人因人懷治彼高深如故兵革幾經乃今豺虎遯跡室家寧而禮教興者誰之化耶言言湯湯雉舞翬飛藝藝與與理正疆畫又誰之建誰之遺耶自非撫軍李公以文武材當驅除任繼勤養勸舊舍新圖聖天子以今之召虎視公寄以南國而

南國靡不是式焉亦奚其疆域之內事無宏纖其具舉耶然非鄭令雅能承又奚其張綱振目體約而旨豐言近而喻遠微必闡述必綜於以似續其前景行其後而遂言之可章行之可遠乎然則爲春露爲秋霜星漢在茲雲雨在茲雖以炳撫軍公之嘉令於千秋而吾先司寇有靈其爲產遊之地之氓增色笑於九京者亦宏多已鄭令亦賢矣哉予故樂而爲之序時順治甲午三月之吉 賜進士第內翰林宏文院侍讀提督江南江安等處學政前右春坊右贊善兼國史院檢討勅封文林郎勞山藍潤識

李序

治一邑者將深明乎一邑之所以爲治治一郡者將深明乎一郡之所以爲治夫一郡一邑之視天下地至近而事至少也然本其地而著之於事本其事而著之於言曲折更進以求盡乎山川人物興壞因革之數連類比詞執筆而不可止故言之出於天下者有時而反略言之出於一郡邑者有時而反詳此志之所爲起也使其書由一己而作而邑中細大之故復闕焉而無所考則不足以繫一邑之記載而傳之人人卽廣攬旁涉好爲非常可怪之論使讀之者雜然而不知其義之所歸此其書亦不能以示信於天下况其當變化之後無文獻之留而欲綜古今定得失語之而必盡擇之而必精斯不已難乎濞邑故郡

地也險阻奧僻冠於諸邑明季之亂兵燹尤甚其典籍舊文之存於今者固已湮沒而不宣矣于膺命守舒旣數月百務粗舉乃欲取郡邑之志論而集之俾令鄭君爲之撰次予亦得兼總條貫進退於其間自故老所傳聞學士大夫所觀記莫不咸錄務令其言博而能嚴多舉而不失其當以一邑而兼及乎郡政不以爲踰以一郡之蹟專屬於一邑不以爲隘本其地而後有事本其事而後有言濞之爲書其亦庶乎知所本矣抑吾又有期焉古者郡國之策掌於內史所以採民風而識治理也而謂今之所著止於其地止於其事可乎則所以上爲聖天子撫靖一邑而下爲濞人計長久者當更有在吾欲與鄭君交勉之爾



時順治歲次甲午仲春月中順大夫知江南安慶府事昌邑李士楨書

黃序

先文節公作澗山詩極言澗山川風景之靈異謂潘騎省宋延清賦天陵緱山不足道也兼以山谷勝槩取之自識聲施後世余每讀家乘感文節語輒動古人名山大川之懷於澗恨不獲周遊博覽以慰生平順治己丑夏余得司李于皖冬十月復得署澗事則澗山浩蕩在眼凌厲撐空洵如文節言雅志終疇昔矣急取邑乘讀之士庶對以舊志燬於兵燹鮮藏帙余歎歔惆悵久之止獲訪山谷書院故址及圍摩石牛泉洞拜家千金貞

烈墓而已雖昔之山川如故而古今沿革政治人文物產莫得其詳緣邑乘之放佚重爲掌故者羞旣皖屬邑並修志事余得覩懷太望三志矣終以未獲見澗志爲恨癸巳秋澗令鄭君修志成問序於余余喜而披覽熟復之見所紀古舒事迄今上下數千年間詳覈辯博得古史遺意於舊郡志亦多所正誤補遺刪繁陋藻視彼或失則略或失則誣者有間矣知澗以嶽鎮拔奇名賢代著中尤多抗懷志節士昔人云其山嵯峨其人磊落而英多澗之謂乎可泉胡氏作郡志謂澗風獨毅有以夫漢晉以來他賢哲詳志中余不具論因鄭君問序於余余得述先文節之慕乎澗而家焉卽其孤忠遷謫百折不回祇今正氣猶在

澗土至千金首以貞烈著是可概見澗風之毅矣邑志古邦國史也義例準於春秋詩亡然後春秋作故春秋美刺殊旨列國風之貞淫淑慝具見澗志成而澗風益振其鄭令君筆削斯編之旨乎順治癸巳秋七月望日闕里黃敬璣識

鄭序

惟王體國經野識風俗而占運會職方氏所由設也且象天之星分而爲郡爲邑故邑有一邑之山川文物焉邑誌之郡則總屬邑之山川文物而志之太史公又合天下邑志而彙爲一統之志信乎邑志之不可不詳且盡耳余自庚寅夏杪出宰澗陽正當兵燹之餘人民星落土地荒蕪田井屋宇俱成瓦礫學宮

衙舍鞠爲茂草余神愴久之迺曰是烏可以南陽治蜀之政治之乎未若以東里之惠行之也何也救殘之術猛不如寬也爰是而哀鴻集矣猷澗關矣報績三年賦稅無逋欠之憂比戶多室家之慶興黌宮修衙宇立旅館建樓改水勸學訓農職分內事也每於公餘披閱典籍嘗以澗志焚燬無存爲憾適有江右鄒子其先大父曾爲邑令乃持殘簡一帙示余余躍然喜喜得藍本矣更詢之故老尋之舊蹟考之輿記參之廿一史六閱月而始告厥成功其中之刪訛訂正愧乏徵於文獻而搜逸補漏實多苦衷焉是志也布之方輿共之士大夫進之秘府庶幾見內不負所學上不負天子下不負百姓也歟時順治甲午仲春

吉 賜進士第文林郎知潯山縣事古桓鄭適元撰

誌跋

郡邑之誌古有之乎曰誌史之餘也潯邑之誌其來舊乎曰明萬曆丙戌皖賢符卿金公編輯八卷司理鰲磯王君出鍰以付之梓人也今者癸巳之歲予與同寅潘仲涵偕明經徐來公諸生汪深之陳爾靖金去的汪公彝等搜遺補闕閱十越月而書成猗歟休哉誌名賢則皖伯舒王何杜王劉接踵而現誌貞烈則邠原雙廟千金蘭坊媲美而生誌政治則前鄭晏後邢彭咸歌襦褲誌流寓則武孫周文蘇黃紛至沓來誌山川則天柱之槎牙如麗如倚如隨皖水經烏石龍潭繞縣而東潯水由水吼

吳塘轉縣西北而東與後河合誌名蹟則雪山崖崖冬夏瑩然如晴白雲岩石石室石床石壁猶有存焉者乎諸如真源之宮誌公之塔白鶴之泉九井之風以及八駿之所漫遊六龍之所望幸皆縮地移晷而聚之睫端掌上偉哉是誌乎莫謂文人一管秃筆子不與五丁力士同功也雖然予與諸生何功之有哉命之者遼陽李大中丞也表之者府廳毅可李岷雲黃兩大人也董其成而捐俸帑以授之剞劂者又我恪庵鄭明府也諸生咸頽首曰是亦不可無以跋記之而吾更有進焉此邑治龍脈西來坦而且微至學宮幾盡左逼高堦壩過昂謂宜建尊經閣振氣脈以攬形勝此前賢之有志而未逮者若南河之開文廟

之創已次第舉行矣至於辛方之浮屠東河之橋梁又有望於臨洺斯土者非予寒氈所得與也是爲跋訓導李思伯撰康熙乙卯重修邑令周克友邑人陳衷赤金承闔涂遠靖金夢先纂輯

張序

澗志告成邑侯馳尺一問序於予詩曰維桑興梓必恭敬止予澗人也何敢以衰邁鄙陋自外爰稽澗志國朝會修於燕山鄭侯時鎮兵雲集瘡痍未起雖勞良牧之心然踵事增華間多飾美具觀之辭蓋志猶史也非直筆不成史非實錄不成志歷廿餘年山川之形勢未移也疆域之險要無異也顧生齒繁衍非

若疇昔彫耗矣原野墾治非若疇昔蓁蕪矣惟正供輸非若疇昔逋負矣風俗淳樸非若疇昔澆漓矣人文蔚起非若疇昔零落矣茶竹桑麻池魚舟楫之利悉返其主非若疇昔狼吞而虎噬矣夫誰殫生聚誰尸教訓曰惟我荆南周侯易直子諒溫文間雅茹檠飲冰下車首迸狐鼠日與紳士耆碩究弊稽利興除以漸且文武交駐軍民和協恭遇大中丞以暨藩臬郡伯咸推循良俾獲展厥底蘊政平訟息盜戢民安蝗不入境旱不爲災惠澤難以枚舉如去里役聽公輸此甲戶所深快而奸胥所羣嫉廉吏所甚便而貪吏所甚不便者也毅然行之而洗心益勵他如按額均畝而清丈無擾築埂阻洪而菹澤咸豐十有一年

於茲凡五方之剛柔燥濕四民之休息利病無一不入藜照侯胸中已宛具一部全志適臺檄下徵隨延名儒討舊乘援古質今增新飾故闕者補之繁者芟之俚者文之期可徵可信無靡無漏而止不惟輦之石渠採之太史足儲宸覽如江漢之朝宗而一代之文獻以備卽繼莅茲土者一展卷而形勢險要方俗民情徭額課程忠貞孝烈循良治行因革損益燦若指掌且按籍而索十有一年之芳軌是則是傲鄴侯之畫一得平陽之清靜而爲百世師非不朽盛典哉抑予更有祝焉積歲荒亂濶畝之邊河流者衝決之害已若無地可墾矣餘畝盡陷深山遠界英霍擔担輸漕踰峻嶺越崇崖數日抵縣又數日抵倉此固侯

所心惻援例議折而未遑者也今晉秩民部請命大司農用酬夙願則志功志德寧有旣哉是爲序時康熙歲次乙卯仲秋朔賜進士第朝議大夫四川布政司分守保順潼劍等處左參議前廣東按察司兵備羅陽道僉事欽差督漕督鑄戶部四川清吏司郎中里人張清議撰

劉序

古者內外史掌邦國四方之志以志其山川土壤賦稅畜擾漢班固著地理志而後人因其體郡各有乘邑各有載以及稗官野史皆可名曰志志者史之遺也故蒐羅掌故比事屬辭非博通淹雅具良史材而又宏總經術躬膺民社爲地方所尸祝者

海山縣志  
不足以稱著作備文獻而大一統唐宋以來輿志郡乘不下數  
百家傳者寥寥明成化間命儒臣纂集一統志雖備猶有憾今  
天子神聖土宇版章將舉古內外史之職令四方郡縣纂修通  
志進史館備採擇成一代之大典以考述職而鏡政治焉惟皖  
郡爲江北一大都會而皖伯之得名肇自濳邑漢武帝祀濳爲  
南嶽天柱高峻兒視諸峯禹貢志地必以山川則濳固皖之巨  
邑矣邑舊有志前鄭侯恪菴修之時去草昧未遠踳駁缺略不  
無待於後之作者自我邑侯周公以楚史倚相之才擅慈父神  
君之譽來莅茲土十有餘年良法美蹟悉數之不能終其物其  
大者絕奇羨禁苞苴三畏四知於古無愧立十限之法以收民

租每春夏先徵富者而緩貧民使民無稱貸別責之苦力行公  
擡以均勞逸省民費以萬計至於穿渠修河興學履畝蝗不入  
境獄可生櫓兩歧十奇未足以盡之也於是政事之暇博徵儒  
學諮求故實取舊志而踵增之凡山浸賦役土田戶口阨塞物  
產謠俗先賢遺蹟以逮貞女節婦羽釋方伎靡不條分縷晰綱  
舉目張使覽者得其厝注之方控馭之略如聚米畫沙列眉指  
掌遵而守之較若畫一豈徒記載藉資聞見而已哉夫景純注  
山海道元注水經雖文采奇博非裨實用宋浦江倪樸著輿地  
會元志以布衣力不能傳今此編文學經術兼擅其長揆藻敷  
政兩俱裨益以佐天子采風述職文獻大一統之治立言天壤

將於是乎徵敝邑雖陋以邑乘而佐全書鼎鬻裘腋實有榮施而余先世行略荷明府網羅無遺載之簡編亦附以不朽矣故不敢辭侯之請而僭序其端時康熙十有四年龍在乙卯原任刑科右給事中禮科給事中前內翰林國史院庶吉士邑人劉餘謨撰

周序

邑志曷昉乎緣古邦國史也邦國之有史省方觀民陳詩問俗之所由寄也濳山古舒國也春秋紀之濳固見之路史左氏傳吳越春秋並著其事蹟已其有志也何昭乃事麗乃文明乃創繼也厥義彰矣予承乏茲邦每思古人田疇殖而子弟誨惟日

兢兢焉矧已遲之十年豈云亦有微勞於錢穀簿

書

暇惟茲文

獻用稽恐滋隕越以遺掌故羞恭遇新綸命分省修志以進士字版章大一統也赫赫王命惟國政是圖夫國非文弗治昔者聖人之於文也於史焉取之夫志等之史綜名核實義例燦焉文而政其政立政而學其學據學而志其志信濳雖一邑孰守茲土敢廢記載遺於職方余用是黽勉載筆以從蒐羅討論述往詔來比辭該事粗云備矣問仍改分合其得諸沿革焉問徵咎兆休其得諸星野焉問辨方正位其得諸山川焉問賦役平其得諸土田問休養敷其得諸戶口問民不愛其情其得諸風俗問觀程以法其得諸政績問繼懲繩勸以興民行其得諸人

文焉斯則志之大者厥事惟嚴厥詞惟直匪溢匪摭毋鄙毋蔓  
徵乃信從矣雖然班孟堅本禹貢職方作漢地理志尙矣伊川  
氏猶謂班氏所紀覽之情辭俱盡史不綦難乎矧余謏陋實不  
逮睢陽長陵兩令從班氏屬辭以成其世紀庸敢自信乎故春  
秋諸大夫董倚實稱於晉楚而公孫僑聽鄭政尤以博物洽聞  
著文以立政所自來矣予成斯志文實不足安當於政但於一  
邑之事物人文興替臧否原其終始考古証今遺者補譌者正  
晦者晰淆者理蕪者刪而陋者飭亦存古史之遺意云爾敢曰  
遠大之至於言以觀通於政而明於道哉時康熙乙卯孟冬吉  
旦文林郎知澧山縣事周克友撰

李序

天柱山於淮南江北爲獨鉅氣象崢嶸千峯萬壑環繞數百里  
扶輿而磅礴蓄洩雲雨風雷儲財用貢賦遂與嵩華恒岱對峙  
方隅間瀟之爲治旣在天柱山下其靈氣之孕毓人物之鍾生  
於前古開闢時故有赫胥氏於周室始封時故有皖伯大夫歷  
秦漢晉隋唐宋以來涉元洎明至於國朝上下四五千年卓犖  
奇傑彪炳著當時傳來世者代不乏人然必藉簡冊紀載然後  
指數靡遺考之周禮大司徒掌邦土地圖與其人民之數小行  
人奉王命省方則於萬民利害禮俗等類皆勒爲一書其職任  
關係綦重自秦廢侯置守歷代因之內外尊卑相維大小相制



綦布而星羅然後郡各有史邑各有志亦其時勢宜然而澗之志書則於本朝康熙乙卯年間前任周公克友實爲輯修文省事增固稱詳慎伏思我國家列聖相承治功隆茂億兆羣生沐浴膏澤已閱百數十年澗之戶口日益蕃滋其原野物產日益饒裕科目仕宦日益聯綿德行節義文學之彥閭閻貞孝之操日益興起職官之勳績日益奏報軍民日益和寧風俗日益醇厚士食乎舊德農服乎先疇守土親氏之官宣上恩而達下情例應次第紀載鉅細畢該而邑志不修者已百有六載茲非闕典與予初承乏茲土已有是志而未遑及去年春奉檄辦理宿遷順和集行宮恭迎車駕肅穆雍容萬姓懽騰謳歌南甸歸來

署中凜然深思縣志一書尤具載明悉聖化洋溢典故始終豈可積久闕遺致滋湮沒因敦請名流並延邑中紳士諸人諏吉開局採擇摺據徵獻徵文彰往闡幽筆削編摩有目有綱書成付梓昔者蜀守文翁實產自澗邑其當西漢時用能以孝弟力田之訓明經飭行之規化行我西川俾躋稱齊魯蜀人士咸戴德焉今予固蜀人也猥以菲才獲宰公故里披覽志籍瞻拜先賢益深肫切繼自今澗人士其尙遵文翁所以治吾西蜀之教惟經是明惟行是飭惟孝弟是篤惟力田是勤秀與樸殊姿各益奮勵不懈天柱峯側共答昇平夫然後於今日區區纂修之懷可庶幾稍慰是爲序

前清乾隆四十六年歲次辛丑仲秋之吉灣山縣知縣蜀南李載陽光亭撰

第十册勘誤表

卷數	頁數	行數	字數	錯誤	更正
二十九	四	十八	十一	藕	藉
二十九	六	六	十二	下空	溪
	九	十七	三	疲	疫
	十	十五	二十	佐	佑
	十一	十三	十二	月衍	
		十四	十五	雪	雨
	十九	十八	八	鄉	卿

卷數	頁數	行數	字數	錯誤	更正
三十一	五	四	二十	當	然
	七	十九	十三	楨	積
	九	十四	四	竹	付
	十	五	十四	二	三
		十七	二	支	度
	十二	十一	二十	聞	開
	十七	四		常	當





二人以上之證明方得登載

一職官被議及舉貢被革未經開復者概不登載如已採入稿應請註明如渾載其中執筆人不負責任

一舊志耆碩一條登載八秩以上爲各志所無此次訪稿採錄尤多過佔篇幅現擬以九十以上爲限女壽亦同此例

一篤行賢淑兩條除舊志所載仍照登外此項搜訪過多擬按照褒揚條例分類列表其有特別事跡者另入列傳如事實不孚衆論卽不應在褒揚之列應請與會諸君將各本區訪稿逐細較閱核實增刪以昭大公而免攻詰

一寺觀田產照舊志登載如有碑記卽請抄稿送局以便節錄其有將寺產撥作公益者概不登載免開訟端

一阡墓擬照舊志登載不另增損以杜侵佔之漸  
以上各條均經全體贊成

10年15月